

Iburunangepta timbiŋ rapar Outna kam

Gan timbiŋ rapara mina tiratnanna, anna kabena Iesusa riŋpacrena laiplacar ndeida, mina ndorita ritipaikca mo irikna mori, na anna gaind, ramtair ndeida mina ritipaikmo, mo irikrina, na minmo makukara neaŋrina. Na gan timbiŋ rapara ma mina ritipaikca mo gagraana. Ainda moca ma aiŋir anikca Raraŋ Aetaniaca Karais Iesusa morinanna kamb ndoprenan. Na Karais, ma ndo niŋgikca aimo Raraŋ Aetaniacna tipemb kirarir gidkar wandacrena.

Na gan timbiŋ rapara ma reik anik mbonkacna kamb ndoprena. Out ŋgoinna ma gaindoprina, Iesusa ma Raraŋ Aetaniacna Nuoc ŋgoin. Na an minna ma gan tiacarŋpaikca eacrinanna, ma makukarapa giŋgirar witta aŋgiatna. Na an tipna kirar mbuŋa Raraŋ Aetaniaca Iesusmo moca ma meikramtairmo otacna outna ramoot ŋgoin ndarurina. U gan timbiŋ raparna sapta 2 wes 10na inikca wat. Ainda moca Iesusa ma an atuna rambca morina ramtairapa, mbaiŋna aiŋa morena ŋerŋgaurapa, Moses ŋgoin tocmo, ma minmo kunda tamuŋmbai. Na anna iŋmbaia ma aindoprina, Raraŋ Aetaniac, ndo ŋgoinna Iesusmo lara-paca ma iarwarna taup ndamootta eacraŋnandet, na ma Iudana taup ndamtairmo kunda tamuŋmbai. Na mana mamaia ma aindoprina, Iesusa ma tamuŋna auŋna taup ndamoot paŋan aniac ndeacrenan, na meikramtaira manmo riŋpacrenanmo, ma minmo mac nda aŋgiŋa min ŋgoin. Na Tip Wandikca mbembendeina tipemb kirarirna kambca mboprenanna, anna mina an aiŋir anikca Iesusa moatna kam roor nakerena.

Na gan timbiŋ rapara ma meikramtairta ritipaca moi gagarana. Aintik ma atuna Israelna meikramtairta ritipac gagarana kamb witmo wandacrina. Na u gan timbiŋ raparna sapta 11na inikca wat. Na ma aindoprina, titocna makukca minmo laru te, mina ndorita ritipacmo utiŋa taŋca mina menacnandet. Na mina Iesusmo watrapaca mana tipemb kirarimo ranŋairan. Na an makukarapa, giŋirarap mina anŋirenanmo, mina anmo iukairan.

Jesusa mbaiŋna aiŋa morena ŋerŋgaurmo tamuŋmbai ŋgoin

(1–2)

Raraŋ Aetaniacna Nuoca ma aimo kambca neaŋrinan

¹ Atu ŋgoinna kidrikar witapa, tipemb kirarir wit punŋa Raraŋ Aetaniaca aina nicar ŋgamrirmo, kambmo rambca morina ramtairta para tikca mina mbopatna. ² Na mandeacna min mbuŋ, reik mamaina raipaik, Raraŋ Aetaniaca ma kammo ndona Nuocna para tikca aimo mboprinan. Na ma reikmo muruŋcamiŋa anŋina moca, ma an Nuocmo ma larapacatna. Na Raraŋ Aetaniacapa, mana Nuocna par mbuŋa gan tiacarpaikapa, riac motocmo moca laruatna. ³ Na an Nuoca ma Raraŋ Aetaniacna memetacna tac aniac wandacrinan. Na ma ndo ŋgoinna Raraŋ Aetaniacna kirar toc. Na mana kamma ma gargarap, na an kam mbuŋa ma reikmo muruŋcamiŋa moca, mina gagraca eacrenan. Na ma meikramtairta tipemb ŋgorikta makukarmo, moa kecarica minmo ratta mona, na ma ndona aiŋa moa korwirinan. Ri, ma taŋga par umbaina Gagrirta Ramoot Paŋanna mbiracrena auŋ tamuŋna taupca mbiracrinan.

^{1:2} ŋap 2.8, na In 1.3, na Epe 1.10 ^{1:3} Up 2.33-34, na 2 Ko 4.4, na Kol 1.15-17, na 1.20, na Ib 8.1, na KIEK 4.11

Raraŋ Aetaniacna Nuoca mbaiŋna aiŋa morena ɲerɲgaurmo tamuŋmbai ɲgoin

⁴ Na Aetta ma ndona Nuocmo an i nearɲrinan, an ia anna ma laŋ ɲgoin, na ma mbaiŋna aiŋa morena ɲerɲgaurta irembmo kunda tamuŋ ɲgoin ndeacrena. Ainda moca ma an Nuocmo, Kacoot ɲgacatna, na mina mana kaŋgauk ndeacrena. ⁵ Na atua Raraŋ Aetaniaca ma ndona Nuocmo gaindopatna,

“U aukna Nuoc.

Na mandeaca aku una Aet ndarurina.”

Ri, ma gaind mac mambopat, “Na aku mana Aet ndeacraŋnandet, na ma aukna Nuoc ndeacraŋnandet.” Ainda moca Raraŋ Aetaniaca titocna mbaiŋna aiŋa morena ɲerɲɲianmo aintocna kam ndopatna? Wanaiŋ ɲgoin. ⁶ Na an minna ma ndona guina Nuocmo gan tiacarpaik naaŋgĩa kɪprinanna, Raraŋ Aetaniaca ma gaindopatna, “Raraŋ Aetaniacna mbaiŋna aiŋa morena ɲerɲgaura muruŋcamɪŋa manmo tutpemb rɪmbɪtca mana imo aŋgɪ ɲgep.” ⁷ Na Raraŋ Aetaniaca ma an mbaiŋna aiŋa morena ɲerɲgaurta moca ma minmo gaind malamɲiat, na ma kammo gaind mambopat,

“Ma ndona mbaiŋna aiŋa morena ɲerɲgaurmo
watna kirar toca moca
mina aintan toco ndarurina.

Na ma ndona aiŋa morena ramtairmo
tacna mimna kirar toca moca larurenan.”

1:4 Epe 1.21, na Pil 2.9-10 1:5 2 Sml 7.14, na 1 Nin 17.13, na ɲap 2.7, na 89.26-27, na Up 13.33, na Ib 5.5 1:6 TW 32.43, na ɲap 97.7, na Ro 8.29, na Kol 1.18, na 1 Pi 3.22, na KIEK 1.5 1:7 ɲap 104.4

⁸ Na ma Nuocmo gaindopatna,

“Raraŋ Aetaniac,
u gagrirta ramoot,
u memetmbaca iarwara eacraŋnandet.

Na u ndona meikramtaïrmo
tïpemb kirarir wandoik
laiŋ tingik mbuŋa bubuocrenan.

⁹ Na u tïpemb kirarir wandoik laiŋ tingikca toŋgorenan,
na tïpemb kirarir ŋgorikmo,
u mba toŋgorenan ŋgoin.

Aintik una Raraŋ Aetaniaca
ma ndo una paŋanmo tabaïrmo ruŋkirinan,
na unmo ma larapacatna,
moca u irembapna ramootna kirar toc ndaruatna.

Na anna ndo unmo moca
u toŋtoŋ ŋgoin.

Na una aikora
mina un toŋgorena minna mba toŋgoitndai.”

¹⁰ Na ma Nuocmo gaind mac mambopat,

“Kacoot, atu ŋgoinna
u gan tiacarpaikca moca
ma eacrenan.

Na una par mbuŋ ŋgoinna,
u tamuŋna auŋna reikapa riacmo u moatnan.

¹¹ Na gan tiacarpaikapa riaca
mainandet,
na u memetmbaca eacraŋnandet.

Na maniŋa
raraŋit bagarna kirar toc ndaruca

1:8 ŋap 45.6-7 1:9 Ais 61.1, na Up 4.27, na 10.38 1:10 ŋap 102.25-27

1:11 Ais 34.4, na Mt 24.35, na 2 Pi 3.7, na 3.10

mumutacarinande.

¹² Na u manijmo

racaep toco rukumnandet.

Na u manijmo ramootta

tik ngapaoc toc ngetrikirena kirar toc.

Na u aind niŋgik ndeacraŋnandet,

u mba ngetrikirenan.

Na u mba menacitndait.”

¹³ Na atua Raraŋ Aetaniaca mana Nuocmo gaindopatna,

“U aukna par umbaia mbirac te,

aku una puŋnaŋgepmo

una kaŋgaukca tiknande.”

Na Raraŋ Aetaniaca titocna mbaiŋna aiŋa morena nerngaurta ianmo an kam ndoprinan? Wanaiŋ ngoin. ¹⁴ Na mbaiŋna aiŋa morena nerngaura, mina nerngaur tiŋgik, na mina Raraŋ Aetaniacna aiŋa morenan. Na ma minmo mandaca mina taŋga an meikramtaira, ma minmo nda aŋgiranmo otacrenan.

2

Raraŋ Aetaniaca aimo mac nda aŋgirananna anna reac aniac ngoin

¹ Na Raraŋ Aetaniacna Nuoca ma i aniac ngoinna aŋgirenana. Ainda moca an kamma aia waracrinanna, aia ndorita nikinik iroar inkarmo utiŋ gagraca mamo matau raŋgai. Moca aia nateca an kam laŋmo mba raŋgaiit, na aia ndarekrekke nari. ² Na atu ngoinna Raraŋ Aetaniaca ma kammo aina nicarmo, mbaiŋna aiŋa

1:13 Iŋap 110.1, na Mt 22.44, na Mk 12.36, na Lk 20.42 1:14 Iŋap 34.7, na 91.11, na Mt 18.10, na Up 12.7, na Ro 8.17, na le 2.5, na 1 Pi 3.7 2:2 Iŋap 68.17

morena ɲerɲgaurta para tɪkca mina minmo neaɲrinanna, na an kamma ma gagraca eacrinanna. Te, meikramtaɪra mandaia an kammo waracna karirinan, na an kammo nda mboprinanna, mina an opoik ɲgoreaca mina morena tɪpemb ɲgorikta minna mina maanɲiat.* ³ Aintik Raraɲ Aetaniaca ma aimo mac nda anɲina aiɲ ianna morenanna, na an mana aiɲa anna reac aniac ɲgoiɲ. Ainda moca aia mana aiɲmo iɲ neaɲ te, aia titoca kɪpcarica tɪp ɲgoreacna opoikca mba anɲiat? Aia towanaiɲ ɲgoiɲ.

Na atua Kacootta ma ndo ɲgoiɲna aimo mac nda anɲina kammo ma wiwitiatna. Na ramtaɪra mana kammo waracrinanna, mina aimo gaindopatna, “An kamma ma wandorɲ niɲgik.” ⁴ Aintik Raraɲ Aetaniaca ma ainta ɲgagatracarapa, ainta aiɲir anikca mina tamtam ndamɲire-nanna morinan. Na ɲeroɲ Ratna opotacna reac laɲ, ma ndona tonɲorina minna ma meikramtaɪrmo biɲaia neaɲrinan. Na an tɪpna kirar mbuɲa ma ndo Nuocna kammo wandacrinan, na anna wandorɲ, wandorɲ ɲgoiɲ.

Jesus niɲgikca ma ndo aimo mac nda anɲina ramoot

⁵ Na tiacarpaik ɲgamma Raraɲ Aetaniaca mo ndo-

* ^{2:2} Na an kam tɪpca Raraɲ Aetaniaca Mosesmo neaɲrina Tɪp Wandikna kambca mina an ndoprena. Na anna timbigta kap, Nda Anɲiatna sapta 19 taɲca sapta 20na minna wat. Na an Nda Anɲiatna timbigta kapna inikca mbaiɲna aiɲa morena ɲeroɲna kambca mba mbopri, na Iudanarɲepca mina gainda rɪpacrina, Raraɲ Aetaniaca ma mbaiɲna aiɲa morena ɲeroɲmo Tɪp Wandikmo mina para tɪkca mina Mosesmo neaɲrinan. Na Iesusna Up Anɲirena Ramtaɪrta Aiɲna Nininina Timbigta Kap sapta 7 wes 38, na sapta 7 wes 53, na Galesia sapta 3 wes 19 tocmo u watnandet, an kam tɪp toco an ndeacrena. ^{2:3} Mt 4.17, na

Mk 1.14, na Lk 1.2, na Ib 10.28-29, na 12.25 ^{2:4} Mk 16.20, na Up 2.22, na 14.3, na 1 Ko 2.4, na 12.4, na 12.7, na 12.11, na Epe 1.5, na 1.9 ^{2:5} Ib 6.5, na 2 Pi 3.13

prinanna aia lamɲinandet, ma mbaiɲna aiɲa morena ɲerɲgaurmo anna bubuocna mba tikitke. Wanaiɲ. ⁶ Na Raraɲ Aetaniacna timbigta kapna inikca ramoot ianna aindopatna,

“Na ramootta kaina reac,
na u manmo lamɲirenan?

Na kaina moca u manmo matau bubuocrenan?

⁷ Na kidrik tekemmotemma
u ramootmo mbaiɲna aiɲa morena ɲerɲgaurta kaɲ-
gaukca tikrinan.

Na u manmo aɲgi ɲgeprinan,
na u manmo i aniacapa gargar neaɲrinan.

⁸ Na u ramootmo larapacrinan,
na ma an un morina reikmo muruɲcamiɲa
bubuocna.

Na reikmo u muruɲcamiɲa mana kaɲgaukca tikrinan.”

Ainda moca an kamma Raraɲ Aetaniaca reikmo mana kaɲgaukca tikrinanna, anna ma ainda wandacrinan, ma reac ianna wanaiɲa mba tikca mana kaɲgaukca mba eacrenanna. Aintik mandeaca reikca mana kaɲgaukca mba eacrenanna, na aia mba watreke. Wanaiɲ.[†] ⁹ Ainda moca aia watrinanna, Iesusa i aniac ɲgoinna aɲgiatna. Na

2:6 Iop 7.17, na ɲap 144.3 2:6 ɲap 8.4-6 2:8 Mt 28.18, na 1 Ko 15.25-27, na Epe 1.22 † 2:8 Gan kamma ma ɲaparta timbigta kapna inik ndeacrena, na ma meikramtaɲr muruɲcamiɲna kamb ndoprena. Na an ramootta Iburuna timbiɲ rapara tirrinan, ma gaind ndamɲirina, Iesusa ma ramootna kirar toc ndaruca, ma meikramtaɲr muruɲna taup aɲgirina. Ainda moca an ɲaparta timbigta kapna kambca ma Iesusmo larurina reikta kambmo wandoɲa mboprina. 2:9 In 3.16, na Ro 5.18, na Pil 2.7-9, na 1 Ti 2.6, na 1 Io 2.2, na KIEK 5.9

atuna, kídrik motemma ma mbaiŋna aiŋa morena ɲeɲ-
gaurta kaŋgauk ndeacrina. Te, ma meikramtaïrmo mina
muruŋcamiŋna taup aŋgica menac te, Raraŋ Aetaniacna
kakadmaica meikramtaïrmo muruŋcamiŋ ɲgotacnandet.
Ri, Iesusa ɲiŋgír aniaca aŋgica mamenacat, ainda moca
Raraŋ Aetaniaca manmo aŋgí ɲgepca mammo i aniacapa
gargar neaŋgatna.

¹⁰ Na Raraŋ Aetaniaca ma reikmo muruŋcamiŋa mori-
nan, na an reikca anna manan. Ainda moca ma ndona
mombonik wiŋtmo reik laiŋ, laiŋ koind neaŋga, mina
laŋ ndeacnandet. Na Raraŋ Aetaniaca ma toŋgori-
nanna, Iesusa ma meikramtaïrmo nda aŋgina aiŋa mo
ɲgepnan, ri, ma wattacarica Iesusa ɲiŋgírna makukara
mbukatna, na an ɲiŋgír mbuŋa ma Iesusmo outta riaca
larapaca ma meikramtaïrmo otacatna. Na an tiŋna kirara
Raraŋ Aetaniaca morinanna anna wandor ɲgoin. ¹¹ Na
aia lamɲirenan, an ramoot Iesus, ma meikramtaïrmo
moca mina Raraŋ Aetaniacna wiwitta larurinanna, ma
an meikramtaïrmo moca mina rat mac nda malaruri, na
minapa, manap, mina muruŋa aet kabe niŋgikap. Ainda
moca ma minmo aind ɲgacrenan, “Laiplacar.” Na ma
minmo ainda ɲgacrenanna ma numbira mba morenan.
¹² Ri, ma gaindoprinan,

“Aku una imo
aukna laiplacarmo wiwitinandet.

Na mina una mbendeina mo te,
aku mina rikmo
una i aŋgí ɲgepna ɲap ɲgumnandet.”

2:10 Lk 24.46, na In 20.17, na Up 3.15, na Ro 8.29, na 11.36, na Ib 5.9, na 10.10

2:11 Mt 25.40, na Mk 3.35, na In 20.17, na Up 17.26, na Ro 8.29, na Ib 10.10

2:12 ɲap 22.22

¹³ Ri, ma gaind mac mbopatna, “Raraŋ Aetaniacmo, mo ndoprina reik, aku mana para tikcarica lambica, watna.” Na ma gaind mac mbopatna, “An mombonicka Raraŋ Aetaniaca aukmo neaŋrinanna, aku minap eacnandet.”

Ijesusa ma ramoot ndaruca ma aimo otacatna

¹⁴ Ainda moca an mombonicka Ijesusa mboprenan, anna mina meikramtair tiŋgik. Aintik Ijesusa ma toco, ma mina kirar toco ndarurina, na ma menacna min. Na an tip kirar mbuŋa ma Paparuna Ramootmo, mo ŋgocraina min. Na Paparuna Ramootta ma meikramtaira mo menacna gargarap. ¹⁵ Ainda moca meikramtaira mina memenacna nanambirenan, na memetmbaca mina gan tiacarpaikca eacrenanna, an namnaimbca minmo moca mina Paparuna Ramootna kac ŋgoreaca eacrena kirar. Na Ijesusa menacrinanna, ma minmo an kac ŋgoreac tikcarina morinan.

¹⁶ Na gidik ŋgoin, Ijesusa mbaiŋna aiŋa morena ŋerŋ-gaurmo otacna aiŋa mba morinanna, wanaiŋ. Ma Abraamna wiwitna nicar ŋgamrirmo otacna aiŋa morinan. ¹⁷ Na anna miniŋa gaind, an reicka muruŋcamiŋa mana laiplacarta kirar toca larunandet. Te, ma mina taup ndamoot paŋan aniac ndeaca Raraŋ Aetaniacna aiŋa moranandet. Na ma taup ndamoot paŋan aniac ndaruca meikramtairmo kadmaica, Raraŋ Aetaniacna kammo muruŋa rangairenanna, ma mana aiŋira morenan. Na an aiŋa meikramtairta tipemb ŋgorikta makukara mo kecarina aiŋ. Te, Raraŋ Aetaniaca minmo mba nikkatitndai. ¹⁸ Na totowaira manmo larurinan, na ma an gŋgirar aŋgirinan.

2:13 ŋap 18.2, na Ais 12.2, na In 17.6, na 17.9-12 2:14 In 1.14, na 12.31,
na Ro 8.3, na Pil 2.7, na Kol 2.15, na 1 lo 3.8, na KIEK 12.10 2:15 Ro 8.15,
na 2 Ti 1.7 2:16 Ais 41.8-9 2:17 Pil 2.7, na Ib 2.14, na 4.15, na 5.1-2, na
1 lo 2.2, na 4.10 2:18 Ib 4.15-16, na 5.2, na 7.25

Aintik meikramtairmo totowaira laru te, ma minmo otacna min.

Iesusna i aniac Mosesna i aniacmo kunda tamuṅmbai ṅgoin

3

(3.1—4.13)

Iesusna i aniac Mosesna i aniacmo kunda tamuṅmbai

¹ Na aukna Iesusna ripacrena laiplacar ratar, Tamuṅna Auṅna Raraṅ Aetaniac, ma nen motoco eacrenan. Aintik ne Iesusmo matau lamṅirar, ma aina an Up Anṅirena Ramootapa, Taup Ndamoot Paṅan Aniac, na aia manmo ripaca mana imo mbop larurar. ² Na Raraṅ Aetaniaca mammo larapaca manmo an aiṅ neaṅrinnan, na ma mana kammo matau ṅgoinna raṅgairenan, na an tipna kirara Mosesa atu ṅgoinna meikramtairta rikca tikca morinan, na an wiwitta Raraṅ Aetaniacna Kacna kirar toc ndeacrena. ³ Na aia lamṅirenanna, ramootta kaca morinanna mana ia tamuṅ ṅgoin, na kacna ia manmo mba kundri. Ainda moca Raraṅ Aetaniaca ma Iesusmo i aniac neaṅgatna, na ma Mosesna i aniacmo kunda tamuṅmbai ṅgoin. ⁴ Na kaikca muruṅcamiṅa ramoot kabe, kabea anna morinan. Na Raraṅ Aetaniaca ma reikmo ma ndo muruṅcamiṅa tikca morinan. ⁵ Na Mosesa ma Raraṅ Aetaniacna aiṅa moa eacrena ramoot, na mana kammo ma matau ṅgoinna raṅgairinnan, na ma Raraṅ Aetaniacna Kacniṅna wiwitna aiṅa morinan. Na aiṅa Mosesa moatnanna, iṅmbaia Raraṅ Aetaniaca an aiṅna kamma ma mbopnandet. ⁶ Na Karaisa ma Raraṅ Aetaniacna Nuoc, na

3:1 Epe 4.1, na Pil 3.14, na Ib 4.14, na 5.5, na 6.20, na 7.26, na 8.1, na 9.11, na 2 Pi 1.10 3:2 Ndu 12.7 3:3 Sek 6.12, na Mt 16.18 3:4 Epe 2.10, na 3.9, na Ib 1.2 3:5 Ndu 12.7 3:6 Ro 5.2, na Epe 2.21-22, na Kol 1.23, na 1 Ti 3.15, na Ib 3.14, na 6.11, na 1 Pi 2.5

meikramtaira Raraŋ Aetaniacna Kac toc ndeacrenanmo, ma min bubuocna aiŋap. Ainda moca ma mana kammo matau ŋgoinna raŋgairenan, na ma an aiŋmo morinan. Na memetmbaca aia gagraca lambica eacraŋ, na aia gagraca riŋpac, na Kacootmo lambica ma aimo laja mo te, ai toco Raraŋ Aetaniacna Kac toc ndeacnandet.

Na Raraŋ Aetaniacna kammo nda mboprena meikramtaira mina wiktitiŋca mba aŋgiitndai

⁷ Na aia Raraŋ Aetaniacna wiwitna meikramtair ndeacrenan, aintik aia ŋeroŋ Ratna kamma waracrena. Na ma gaindotpatna,

“Mandeaca ne Raraŋ Aetaniacna
upna kamma warac te,

⁸ ne kai garuru teac.

Na an kirara atua nena nicar ŋgamrirca
manmo markimb paŋjainda moca

mana kammo an kidriŋca nda mambopat,

na manmo an reik kocorta auja tiŋca towairina.”

⁹ Na Raraŋ Aetaniacna gaindotpatna,

“Aintik nena nicar ŋgamrirca aukmo,

40na minna iarirpaikca

aku moatna aiŋjira mina mawatat.

Na anna tiŋca mina

aukmo towai ndopca,

na aukmo towairina.

¹⁰ Ainda moca aku

an meikramtairmo nikkatca,

minmo aindopatna,

‘Mina iroar inkara aukmo mba raŋgairenan.

Aintik auk babuatna taupca
mina memetmbaca katca tarjenan.’

¹¹ Aında moca aku nikkatca gaindopatna,
‘Gidik tamuŋ,
mina aukna wik,
titikna auŋa mba mbukitndai.’ ”

¹² Na ne Iesusa riŋpacrena laiplacar, ne ndorimo matau wat, moca nena rikna Iesusa riŋpacrena laiplacarta ianna nikinik iro ŋgoreacapnanna, ma ndona ritipacmo ke-cari nari, na ma iarwarna eteacna watap eacrena Raraŋ Aetaniacmo iŋ neaŋ nari. ¹³ Na raimo aia aindoprena, “Mandeaca niŋgik.” Aında moca ra kabe kabemo, ne kabe, kabea Raraŋ Aetaniacna meikramtairmo kam laŋ neaŋraŋ, na mina iroarmo mo ŋgep. Moca tiŋ ŋgoreacna makukna tiŋna kirara nena ianmo paruca ma garuru nari. ¹⁴ Na aia mandeba Raraŋ Aetaniacmo riŋpacrenanna, aia ritipac gargar aniacap. Aintik aia ndorita ritipaikmo aında utiŋi gagraca, taŋi mana mamamai. Na aia aında mo te, aia Karaisna ramtair koind teacnandet.

¹⁵ Na aia lamŋirenan, an kam tiŋca ma eacrena,

“Mandeaca ne Raraŋ Aetaniacna upna kamma warac te,
ne kai garuru teac.

Na an kirara atua nena nicar ŋgamrirca
manmo markimb paŋaında moca
mana kammo an kidrikca nda mambopat.”

¹⁶ Na titocna wiwitta atua Raraŋ Aetaniacna kam upmo waracri, na mina garururi, na mana kammo nda mbopri-nan? Anna an meikramtaira Mosesa Isipa tikca aŋgica

larurinan. Min tingikca muruḡa an tipemb kirarira morenan. ¹⁷ Na mandaibinmo Raraḡ Aetaniaca 40na minna iarirpaikca minmo nikkatca eacrinan? Anna an meikramtaira tipemb ḡgorikta makukara morinan, na mina menaca, meikramtair kocorta taupca mina warira tamtamma an ndeacrinan. Ande an wiwit ningikca ma minmo nikkatatna. ¹⁸ Na titocna wiwitta Raraḡ Aetaniaca lamḡica ma gidik tamuḡ ndopatna, mina mana wiktitikna auḡa mba mbukitndai. Anna an meikramtaira mana kammo nda ipuḡrinan. Ma min ḡgoin ndopatna. ¹⁹ Ainda moca aia lamḡirena, an meikramtaira mina Raraḡ Aetaniacmo mba riḡpacrenanna. Na an minḡḡna moca mina mana wiktitikna auḡa mba mbukitndai.

4

Raraḡ Aetaniacna meikramtaira wik ḡḡinandet

¹ Raraḡ Aetaniaca ai motocmo wiktitikna auḡa ḡḡi taḡna baburina. Ainda moca aia ndoritake matau wat, moca ma wateknanna, nena ramoot ianna an iroa mo te, ma an auḡa mbukna minna wanaiḡ. ² Na aia kam wembaḡ laḡmo waracrinan, an kirar toco Israelnanda waracrinan. Na mina warac kamainda waracrina, na mina Raraḡ Aetaniacna kammo mba riḡpacatke. Ainda moca an kam wembaḡ laḡa mina waracrinanna ma minmo mba otacatke.

³ Na aia meikramtaira Raraḡ Aetaniacmo riḡpacrenanna, ma aimo mana wiktitikna auḡmo watcarica aia anna mbuknandet. Na atua Raraḡ Aetaniaca an auḡna ndamḡica ma gaindopat,

“Ainda moca aku nikkatta gaindopatna,

3:17 ḡap 106.26, na 1 Ko 10.10, na lu 1.5 3:18 TW 1.34-35, na lb 3.11

3:19 lb 4.6 4:1 lb 12.15 4:3 ḡap 95.11, na lb 3.11, na 3.14

‘Gidik tamuŋ,
mina aukna wiktitikna auŋa mba mbukitndai.’”

Na anna gidik, an reacna kamma ma Mosesna min mbuŋa larurinan. Na aia lamŋirinan, atu ŋgoinna Raraŋ Aetaniaca gan tiacarpaikca tikrinan, ma ndona airjirmo kocnaia morina. ⁴ Ainda moca mana timbigta kapna kam tip ianna an ra parmbaiapa mbut mbuniŋmo gaindopatna, “An parmbaiapa mbut mbuniŋna ra, Raraŋ Aetaniac, ma ndona moatna reikca moa maiatke, ma an ramo wik matikat.” ⁵ Na an kam tip mbuŋa outta aia watinanna ma gaindopatna, “Mina aukna wiktitikna auŋa mba mbukitndai.” ⁶ Na anna aimo wandacrinan, Raraŋ Aetaniacna wiktitikna auŋa maeacreke, na meikramtair ndeida anna mbukna min. Na an meikramtaira atua mina kam wembarŋ lanŋmo waracrinan, na mana kammo ipuŋrinan, mina anna mba mbukatke. ⁷ Na iŋmbai mbuŋa iarir witca tangatke, an wiwitna minna, Raraŋ Aetaniaca ma Gagrirta Ramoot Dewitna up mbuŋa kamma gainda tirca gaindopatna, “Mandeaca ne Raraŋ Aetaniacna upna kamma warac te, ne kai garuru teac.” Na Dewitna min mbuŋa Raraŋ Aetaniaca ma gaindopat,

“Mandeac,” anna aimo ainda wandacrina,
kabena ra ianna ma babuatnanna meikramtaira
mana wiktitikca mbukna min.

⁸ Na atua Iosua minmo wiktitikca nearŋ te, Raraŋ Aetaniaca iŋmbaia ma kabena ra nake, mba mbopitndai. ⁹ Ainda moca aia lamŋirena, Raraŋ Aetaniacna meikramtairta wiktitikca maeacreke. Anna ma Raraŋ

4:4 RL 2.2, na NA 20.11, na 31.17 4:5 IJap 95.11 4:7 IJap 95.7-8 4:8 TW 31.7, na Ios 22.4

Aetaniacna Wiktitikna Rana kirar. ¹⁰ Na aia lamjirena, ramootta Raraŋ Aetaniacna wiktikna taupca mbuk te, ma ndona aiŋira korwica ma wiktikca eacrena. Na an kirar kabea atua Raraŋ Aetaniaca ma ndona aiŋira korwica ma ndo wiktikca eacatna kirar toc. ¹¹ Aintik ai toco gagraca aiŋa moca an wiktikca mbukna. Na ŋarikca ramoot ianna kamma nda ipuŋrena tipca raŋgai te, na an kirara Israelnanŋepca atua morinan, ma anna raŋgai te, ma anna moca irikca ma taprekenandet.

¹² Na Raraŋ Aetaniacna kamma ma eteacna watap, na ma aiŋa moa gagaraca eacrenan. Na ma wirwir ŋgoin, ma bugrimna mim mbuniŋapna wiwirmo kundrinan. Na an kamma ma meikramtairmo riŋga mina nikinik iroarmo ŋai ŋgoinna mbukrenan. Na ma tanga rugutapa ŋeroŋa eacrenanmo rikca titaca, na gagrirta metambarapa gagrirta maimnaŋar mikca eacrenanmo mbukrena. Ainda moca ma aina iroar inkarapa, toŋtoŋgarmo muruŋ ndamjirenan, na ma ritrinandet. ¹³ Na Raraŋ Aetaniaca moatna reac ianna mana lamniac ŋgoutta mba iŋgorocitndai, wanaiŋ ŋgoin. Reikca muruŋcamiŋa mana lamniacmo raek ŋgoin ndeacrenan. Ainda moca ai toco ndorita morena reikta kambmo Raraŋ Aetaniacna lamniac ŋgoutta tikca mbopnandet. Te, Raraŋ Aetaniaca ma ndo ŋgoinna aina tipemb kirarira ritrinandet.

Iesusa tamuŋna auŋ ndeacrena taup ndamoot paŋan aniac, na ma kam ŋgamma leacatna

(4.14–10.38)

4:10 RL 2.2, na Ib 4.4 4:11 Ib 3.12, na 3.18-19 4:12 Ais 49.2, na Ier 23.29, na In 12.48, na 1 Ko 14.24-25, na Epe 6.17, na KIEK 1.16, na 19.15 4:13 Iop 26.6, na ŋap 33.13-14, na 90.8, na ML 15.11

Ijesusa ma aina taup ndamoot paɗan aniac

¹⁴ Ainda moca aina taup ndamoot paɗan aniac maacreke, na ma tamuɗna auɗ inik ngoinna mbukrina. Na ma Ijesus, ma Raraɗ Aetaniacna Nuoc. Ainda moca Ijesusna ritipaca aia mboprenanmo aia utiɗ gagra. ¹⁵ Na aia taup ndamoot paɗan aniacap, na ma lamɗirenan, aia ndorita tipemb ɗgorikta makukarmo, mo irikna gargar kocor. Aintik aia tip ɗgoreacna makukca momoca wetwet ɗgoin. Na ma aina moca kadmairina. Ainda moca memetmbaca totowaiara aimo larurenan, an toco manmo muruɗcamij ndarurina, na mammo towairina. Na ma ndo ngoinna tip ɗgoreacna makuk ianna mba mori. ¹⁶ Aintik aia Raraɗ Aetaniacna mbibiracna outmo taɗi rambuɗaina min, na aia kai nanambi teac. Na ma kadmairena ramoot. Ainda moca aia man ndambuɗa taɗ te, aia watnandet, ma aimo kakadmaina opotaca monandet. Na aia makukap te, mana kakadmaica aimo otacnandet.

5

Taup ndamoot paɗan aniac Ijesus ma aimo mac nda aɗɗina min ɗgoin

¹ Na taup ndamoot paɗan aniac larapacrena tipna kirara gaind. Raraɗ Aetaniacna ma ramoot ian aɗɗica larapacatna, an ramootta ma mana aiɗa moca meikramtairmo otacnan. Na taup ndamoot paɗan aniacna aiɗa, ma titocna reik laiɗmo Raraɗ Aetaniacmo neaɗrenan, anna ian. Na titocna ɗimbambarta aiɗirta tipemb ɗgorikta makukara ma mo kecaririna, an toco ian. ² Na taup ndamoot paɗan aniacna ma ndona tipemb ɗgorikta makukarmo, mo irikna gargar kocor. Aintik an

4:14 Ib 3.1, na 7.26, na 10.23 4:15 2 Ko 5.21, na Ib 2.17, na 7.26, na 1 Pi 2.22, na 1 Io 3.5 4:16 Epe 2.18, na 3.12, na Ib 10.19-22 5:2 Ib 2.18, na 4.15, na 7.28

meikramtaira tipemb wandoikca lamji ngocortan, na Raraŋ Aetaniacmo tikcarica ndorita toŋtoŋa taŋrenan, na taup ndamoot paŋanna minmo wetwetta otacrenan. ³ Ainda moca taup ndamoot paŋanna, ma meikramtairta tipemb ŋgorikta makukarmo, mo kecarina giŋbamba morena, na ma toco ndona tipemb ŋgorikta makukarmo, mo kecarina giŋbam toco ma monandet.

⁴ Na ramootta taup ndamoot paŋan ndarurenanna ma i aniacap, na an aiŋa ramoot ianna ndona toŋtoŋ mbuŋa wanaiŋa mba aŋgiŋrenan, wanaiŋ. Raraŋ Aetaniaca manmo aca ma an aiŋa aŋgiŋandet. Na an kirara atua Raraŋ Aetaniaca Aronmo maacat.

⁵ Aintik Karais motocmo an kirar kabea mamoot. Na ma ndona imo mba aŋgica ŋgepca taup ndamoot paŋan aniaca larurinan. Wanaiŋ. Raraŋ Aetaniaca ndo ŋgoin mbuŋa manmo an aiŋa mona larapacatna. Na ma manmo gaindotpatna,

“U aukna Nuoc.

Na mandeaca aku una aet ndarurina.”

⁶ Na kabena kam ianmo, Raraŋ Aetaniaca aindopatna,

“U iarwarna taup ndamoot ndeacraŋandet.

Na u Melkisedekna wiwitna kirar tocna taup ndamootta eacraŋandet.”

⁷ Na an kidrikca Iesusa gan tiacarpaik ndeacrinanna, ma Raraŋ Aetaniacmo mbendeia digirenan. Na ma lamjirenan, Raraŋ Aetaniaca manmo mac nda aŋgiŋa

5:3 TN 9.7, na 16.6, na lb 7.27 5:4 NA 28.1 5:5 ŋap 2.7, na ln 8.54, na lb 1.5, na 1.8 5:6 ŋap 110.4, na lb 6.20, na 7.1, na 7.17, na 7.21 5:7 ln 12.27, na 17.1

min, na ma mba menacitndai. Aintik ma Raraŋ Aetaniacmo gagraca mbendeirinan, na ma gagraca aca ma aerinan. Na ma ndona toŋtoŋmo mo irikrenan, na ma Raraŋ Aetaniacna kaŋgaukca eacrenan, aintik ma mana mbembendeiarmo waracrenan.* ⁸ Na Iesusa ma Raraŋ Aetaniacna Nuoc, na ma giŋgiŋ anŋiatnanna, anna manmo moca ma Raraŋ Aetaniacna kammo matau ŋgoinna raŋgaia riptia anŋirinan. ⁹⁻¹⁰ Ainda moca anna ndo moca man niŋgikca ma out ŋgoinna kamma raŋgaiatna ramoot. Ri, Raraŋ Aetaniaca mammo larapaca gaindopatna, “U Melkisedekna wiwitna kirar točna taup ndamoot paŋan aniaca eacnandet.” Aintik meikramtaira mana kamma raŋgairenanmo, ma mac nda anŋirenan, na ma min ŋgotacna ramoot ndarurina. Te, mina iarwara laŋa eacraŋnandet.

Aia mombonik tekir toca kai eac teac

¹¹ Na Iesusa taup ndamoot paŋan aniac, na ma Melkisedekna kirar toc ndaruna kam wit aniaca

* ^{5:7} Na an minna Iesusa Getsemanina warija eacri, ma Raraŋ Aetaniacmo mbendeica, manmo an makukca man ndaruna morenanmo, mo kecar. Na Matiu sapta 26 wes 36 taŋca wes 46, na Mak sapta 14 wes 32 taŋca wes 42, na Luk sapta 22 wes 39 taŋca wes 46. Na an timbigta kapna kambca aindoprina, Raraŋ Aetaniaca mana mbembendeimo waracrinan. Na anna gidik, Raraŋ Aetaniaca Iesusmo wattacarica ma menacrinan, na ma memenacmo mba wattacarica ma Iesusmo gidikca mba anŋiri. Wanaij. Raraŋ Aetaniaca ma manmo muk ndija mac nda anŋica ŋgeprina, na manmo i aniaca nearŋrinan, na manmo moa taup ndamoot paŋan aniac ndaruatna. Na Iesusna Up Anŋirena Aiŋna Nininina Timbigta Kap, sapta 2 wes 24, na Iburu sapta 2 wes 9, na Pilipai sapta 2 wes 6 taŋca wes 11na inik tocmo wat. ^{5:8} Pil 2.8, na Ib 3.6 ^{5:9-10} Ib 2.10, na 5.6, na 11.40 ^{5:11} Mt 13.15, na In 16.12, na 2 Pi 3.16

maeacreke, na aia nenmo mbopna owai ngoin. Nena iroar inkara mboracrenan, na mina mba piarakeri. Ainda moca aia nenmo an kamna miniņa wandac laruna minna wanaij. ¹² Na ne ngaua ritipacna laiplacar tarurinan, na an minna ne ririptina ramtair ndaruna toc, na ne towanaij. Aintik mandeaca ne kabena meikramtairmo riptina towanaij. Nena iroar inkara mba piarakerenan, aintik kabena ramtaira nenmo Raraņ Aetaniacna outna kammo nenmo mac riptinandet. Aintik ne amna reac gargar amna minna wanaij, ne mir pukca ambca maeacreke. ¹³ Ainda moca aia lamņirenan, mandaia mir puk ningikca ambrenan, anna mina mombonik tekir. Na tipemb kirarir wandoik laiņa tipembca mina mba matau lamņirenanna. ¹⁴ Na amna reac gargara anna ainta meikramtair aniktan. Na ainta meikramtaira mina kidrik witca towaica mina tipemb laiņapa, tipemb ngorikta tipembca, mina garacrenan, na mina iroara piarca mina mandeaca matau ngoinna lamņirenan.

6

Aia gagraca lambica eac te, Raraņ Aetaniaca aimo moi laņa monandet

¹⁻² Ainda moca aia outta Karaisna angiatna riptiatna kam, ningik kai mikca eacraņ teac. Na aia ainda morañ te, anna aia kacna witapa garurmo kidrikar witta mac tikrena kirar, na aia kac kika mba moreke. Ainda moca an mikna kammo kai mbopraņ teac, na aia an iroar inkarmo ngetrikina kamb witta kai mbopraņ teac, memenacmo angį taņrenanmo uriracnan, na Raraņ Aetaniacmo

5:12 1 Ko 3.1-3, na Ib 6.1 5:12 1 Ko 3.2 5:13 1 Ko 13.11, na Epe 4.14,
na 1 Pi 2.2 5:14 Ais 7.15, na Ro 16.19, na 1 Ko 2.14-15, na Pil 1.10 6:1-2
Up 8.14-17, na 17.31-32, na 19.4-5, na Ro 2.16, na Pil 3.12-14, na Ib 5.12, na 9.14

ripacrenan, na an tipemb kirarira eteacna wat kocor-tanmo muruŋa iŋ neaŋrenan, na ainta kitac puk aŋgirena tipemb kirarir toc, na parmo meikramtaïr tambatta tikrena tipemb kirarirta kamb witmo kai memetmbaca mbopraŋ teac. Na menacrina meikramtaïra mac nda ŋgeŋgepna kambca kai mbop teac, na aia muruŋa Raraŋ Aetaniacna ritri waparacmo witiki gagra te, na ma aimo iarwarna eteacna watna kam ndopna, co, aia iarwarna opoik ŋgoreac aŋgina kamb topna. Na aia an kambta moca kai mikca eacraŋ teac, wanaiŋ. Aia an meikramtaïra acnairina riptiar tiŋgikca aŋgiraŋ. ³ Na Raraŋ Aetaniaca aimo anna mona tongo te, aia ainda mo.

⁴⁻⁶ Na ramtaïr ndeida Raraŋ Aetaniacna kambmo mina lamŋirina. Na an reac laŋa tamuŋna auŋ ndiŋa kiprenanna mina matowaiat. Na ŋeroŋ Ratta mina maanŋiat. Na Raraŋ Aetaniacna kammo mina towairinan, na mina lamŋirenan, na kamma ma laŋ ŋgoin. Na Raraŋ Aetaniacna gargara mina maanŋiat, na an gargara ma kidrik laŋa iŋmbaia ma raek ndarunandet. Na ainta meikramtaïra mina tipemb ŋgorikta moca irik te, na Raraŋ Aetaniacmo iŋ neaŋ te, mina nda kikipa iroar inkar ŋgetrikina taupemb kocor, wanaiŋ ŋgoin. Na ainta tipembta kirarira mina mo te, mina Raraŋ Aetaniacna Nuocmo, mina ndori koinda manmo ik mac aŋgia keracatna kirar. Na anna mina manmo ik mac keracrina kirar, te, meikramtaïra manmo peperena kamb topraŋnande.

⁷ Na memetmbaca pukca rapacrenanna, pitrikca an pukmo muruŋa wiŋrenan. Na an pitrikna waŋ ianna ma warinŋa amna reac laiŋga an nambatmo moa gacrena, na ma meikramtaïrmo otac te, Raraŋ Aetaniaca an pitrikmo laŋa monandet. ⁸ Na pitrik waŋa ma lacarapna ŋgatikapa

^{6:4-6} Mt 12.31, na Gal 3.2, na Epe 2.8, na Ib 10.26-27, na 10.29, na 10.32, na 1 Pi 2.3, na 2 Pi 2.20-21, na 1 Io 5.16 ^{6:8} RL 3.17-18

katgar ngorik tingikmo mo gacraŋ te, anna pitrik waŋ ngoreac. Na kidrik rocotta wanaiŋ te, mina manmo ngocraina kam ndop te, taca manmo kocnai wirnandet.

⁹ Na aukna aikndamtair koind, mandeaca aia nenmo gan kam gargar mambopek. Na aia lamjirenan, ne an ngogocraia ne mba angtindai. Ainda moca Raraŋ Aetaniaca nenmo mac nda angtatna, na ma nenmo reik laiŋ neaŋnandet. ¹⁰ Na Raraŋ Aetaniac ma tipemb kirarir wandoik laiŋ tingikca morena. Na ne morina an aiŋir laiŋta moca ma nena iroar mba ndarekrekeitndai, wanaiŋ. Na ne manmo mamatŋia neaŋrinan, na anna ndo nenmo mo ngepca ne mana meikramtairmo otacrenan. Na ne ainda morannde. ¹¹ Na aia tongorenanna, ne muruŋa an aiŋmo gagraca ainda moran. Na nena ritipacmo utiŋ gagra, na Raraŋ Aetaniaca nemo larapaca aimo laŋa mo ndoprina mana rana mamamaina lambina. ¹² Ainda moca ne kai ŋate teac. Ne gidik ngoinna ripacrena meikramtairta tipemb kirarira ranŋairan, na ne kai ŋate teac. Aintik atua Raraŋ Aetaniaca ndona mombonikmo baburina reikmo, mina muruŋcamija angtinandet.

Raraŋ Aetaniacna bababumo aia gagra ripacna

¹³ Na atu ngoinna Raraŋ Aetaniaca Abraammo bababua neaŋna morinanna. Ramoot ianna Raraŋ Aetaniacmo tamuŋmbaia wanaiŋ, na mammo mba kundri, te, Raraŋ Aetaniaca mana imo aca gidik tamuŋ ndopna. Ainda moca Raraŋ Aetaniaca gidik tamuŋmo ndona i mbuŋa gainda aca mboprinan, ¹⁴ “Na aku gidik ngoinna aindoprinan, aku umo matau ngoinna bubuocnandet, na una wiwitna mombonik ngamrirmo moca wit ngoin ndarunandet.” ¹⁵ Ri, Abraamma lambica ma mba tawia ŋateatke, na Raraŋ

6:10 Ro 15.25, na 2 Ko 8.4, na 1 Te 1.3, na 2 Te 1.6-7, na 2 Ti 1.18, na Ib 10.32-34

6:11 Kol 2.2, na Ib 3.6, na 3.14 6:12 Ib 10.36 6:13 RL 22.16-17 6:14

RL 22.16-17

Aetaniaca baburina reikca ma Abraamma nearj ndoprinanna, injmbaia Abraamma an reikmo muruŋcaminj maanġiat.

¹⁶ Na gidik tamuŋa ndoprena kirara gaind. Ramtaira gidik tamuŋa kammo ramoot ianna i mbuŋ ndop te, anna gainda wandacrenan, an ramootta ma minmo tamuŋmbai, na ma minmo kundrina. Na ramoot ianna gidik tamuŋ ndop te, anna mana kammo mo gagra-rina. Na kabena meikramtaira mana kammo nda mbopna toawanaj, ma mina upmo maleacri. ¹⁷ Na atua Raraŋ Aetaniaca babuatnanna, aia Abraamna wiwitnanmo, ma aimo matau ŋgoinna laja moranmandet. Na ma aimo wandoŋ ŋgoinna gainda wandacna morenan, ma ndona iroa mba ŋgetrikitndai, aintik ma gidik tamuŋ ndop te, ma ndona kammo mo gagrarinan. ¹⁸ Ainda moca mandeaca kam mbuniŋa maeacreke, na ianna anna Raraŋ Aetaniacna bababu, na ianna anna kam gidik tamuŋ. Na maniŋa mba ŋgetrikitndai, na an kam mbuŋa Raraŋ Aetaniaca ma mba paruitndai. Ainda moca aia meikramtaira kipcarica tanġa Raraŋ Aetaniac ndambuŋna iŋgorocrenanna, aia mana babuca lamŋiran, na aina iroar inkara moi gagra ma aimo babuatna an reik anġinanna lambina. ¹⁹ Na an reaca ma aimo lambina mboprinanna, anna ma aimo lanġum ŋgutiŋa anġa gargarna kirar, ma aina eteacna watta utiŋ gaganan. Na an lanġum utiŋa anġa, ma Raraŋ Aetaniacna Kaca loraca eacrena raranit aniacna injmbaina Diab Rat ŋgoinna mbukrena. ²⁰ Na Ijesusa ma aimo otacna moca ma an Raraŋ Aetaniacna Diab Rat ŋgoinna inikmo aimo out ŋgoinna mbukrinan. An kidrikca ma Melkisedek tocna taup ndamoot paŋan

6:16 NA 22.10-11 6:17 Ro 11.29, na Ib 11.9 6:18 Ndu 23.19, na 1 Sml 15.29, na Ib 12.1 6:19 TN 16.2-3, na 16.12, na 16.15, na Ib 9.7 6:20 TN 16.2-3, na 16.12-15, na Iŋap 110.4, na Ib 3.1, na 5.6, na 5.10, na 7.17, na 8.1, na 9.24

aniac ndarurinan, na ma iarwarna taup ndamoot pañan ndeacrañnandet.

7

Melkisedeka ma i aniacapna ramoot

¹ Na Melkisedek ma Salem auñna gagrirta ramoot pañan, na ma Rarañ Aetaniacna Tamuy Ūgoinna taup ndamoot. Na an kidrikca Abraamma gagrirta ramtair pañaindap ruñga minmo moa menacatke, ma ndona auña tañri mbuña, Melkisedeka mamoo taupca tikca ndapurikica, ma Abraammo Rarañ Aetaniacna kam lañmo manearri. ² Ri, Abraamma ma ndona ruñga añañatna reikmo 10, 10na ñgañganñgina minna nduca anmo Melkisedek maneañgat. Na an i Melkisedekmo aia ainda uriracrina, Típ Kirar Wandoñ Lañna Gagrirta Ramoot Pañan. Na ma toco ma Salemna gagrirta ramoot pañan, na anna aia ainda uriracrina, Nikinik Iro Wetwetna Típna Gagrirta Ramoot Pañan. ³ Na Melkisedeka ma ndona amepaetapa, wiwitna nicar ñgamrirta nininina kamb kocor. Na mana aemma manmo mĩrrina ra aia lamñi ñgocor, na ma menacrina rana nininina kam toco aia lamñi ñgocor. Ma Rarañ Aetaniacna Nuoca eacrena kirar. Na ma memetmbaca taup ndamoot ndeacrañnandet.

⁴ Na ne gaind ndamñi, Melkisedeka ma i aniacapna ramoot. Na aina outna nicau Abraam, ma reik laiñ, laiñga runduy mbuy naaññatnanna, ma 10, 10na ñgañganñgina minna titaca, ma an 10, 10na ñgañganñgina minna ma Melkisedekmo neañgatna. ⁵ Na Liwaina wiwitna barna nuikta mombonikca, mina taup ndamootna aiña añañrenan. Na Típ Wandikca gaindoprinan, Israaelna meikramtaira mina ndorita reikmo nduca 10,

10na ngannganngina minna mina Liwairmo neanrena. Na Israelnanda mina Liwairta laiplacar, aintik mitoco Abraamna mombonik. Ainda moca Israelnanda mina an 10, 10na ngannganngina minna reikca ndorita an laiplacara neanrena. ⁶ Na Melkisedek ma Liwairta wiwitna bar ndiña mba kipatke. Na ma Abraamna 10, 10na ngannganngina minna reikca ma maangiat. Na ma an ramootta Rarañ Aetaniacna babuca eacrenanmo ma Rarañ Aetaniacna kam lañ neanrina. ⁷ Na aia lamjirena, ramootta Rarañ Aetaniacna kam lañ neanrenan, ma i aniacapna ramoot. Na ramootta man ndambuñna Rarañ Aetaniacna kam lañ anjirinanna ma kanngaukca eacrenan.

⁸ Na Liwaira mina Israelnangepta 10, 10na ngannganngina minna reikca mina anjirena, na mina menacrena meikramtair. Na Melkisedek, an ramootta ma Abraamna 10, 10na ngannganngina minna reik anjiatnanna, Rarañ Aetaniacna timbigta kapca manmo memenacna kam ianna mba tirca mbopca eacreke. ⁹⁻¹⁰ Na Israelnangepca 10, 10na ngannganngina reikmo Liwairmo neanrenan. Na aia Liwairmo gaindopna min, mina an 10, 10na ngannganngina minna reikca Abraamma neanrena. Na ma Liwairta wiwitna nicau, na ma ndo Melkisedekmo an 10, 10na ngannganngina reikca neanrinan. Na anna gidik. Liwai, mana aemma manmo mir ngocor ndeacri, Melkisedeka Abraammo taupca tikca ndauprikiatna. Na an minna Abraamma Melkisedekmo reik neanrinanna, Liwaica ma ndona aemma nikinik ndeacrina. Na ma Abraamna wiwitnan. Na ma toco Melkisedekmo 10, 10na minna reikca neanrina.

Na taup ndamoot payan aniac ngamma ma atuna taup ndamtairmo kunda tamuñmbai

¹¹ Na atua Israelnangepeca Típ Wandík angírinanna, an Típ Wandíkca ma gáindopatna, “Liwaira mina taup ndamtaírta aínjira monandet.” Na mina Raraŋ Aetaniacna lamniac ngoutmo meikramtaírmo laŋ ngoinna mo te, na kaina moca Raraŋ Aetaniaca aindopatna kabena taup ndamoot ianna ma íŋmbai nakípnanDET? Ma Melkisedekna kirar toc ndarunandet, na ma Aronna kirar toca wanaiŋ. ¹² Aínda moca taup ndamtaírta wiwitta ŋgetrikiraŋ te, Típ Wandík toco ma ŋgetrikiraŋnanDET. ¹³ Na an ramootta Raraŋ Aetaniaca mboprinanna, ma iarwarna taup ndamoot ndeacraŋnanDET, ma kabena wiwitnan. Na mana wiwitna ramoot ianna atua an taup ndamootna gímbamna aínja mba mori. ¹⁴ Aínda moca aia lamŋirenan, aína Kacootta ma Iudana wiwitnan larurina. Na an wiwitnanmo, Mosesa minmo taup ndamootna aínja mona kam ianna mba mbopatke, wanaiŋ.

¹⁵ Na aia watrinanna, an taup ndamoot ngamma larurinnanna, ma Melkisedek toc. Na aia matau lamŋinandet, ma Liwairta wiwitna taup ndamtaírmo kunda outmbai. ¹⁶ Na an kídríkca Típ Wandíkca aindoprina, Liwairta ramtaír tĩŋgíkca mina taup ndamtaír tarurenan. Aíntik an wiwitna ramtaíra mina taup ndamtaírta aínja monandet. Na an iarwarna gargarna watta memetmbaca eacrenanna, ma Iesusmo moca ma taup ndamoot ndarurina. ¹⁷ Na Raraŋ Aetaniacna timbigta kapca gáindopatna,

“U iarwarna taup ndamootta eacraŋnanDET.

Na u Melkisedekna wiwitna kirar toco na taup ndamoot ndeacnanDET.”

¹⁸ Aínda moca an kamma aimo wandacrinan, Raraŋ Ae-

7:14 RL 49.10, na Ais 11.1, na Mt 2.6, na KIEK 5.5 7:17 ŋap 110.4, na Ib 5.6 7:18 Ro 8.3, na Gal 4.9

taniaca ma atua Tip Wandikca ma moa kecaririna. Na an Tip Wandikca ma gargar kocor, na ma aimo otacna minna wanaij. ¹⁹ Na an Tip Wandikca ma reac ianna mba moa laj ngoinna mba laruri. Ainda moca Raraŋ Aetaniaca ma taup laj ngoin ianna outta moa larurina, na aia anna lambirena, na ma Tip Wandikmo kunda outmbai. Na an taup mbuja aia Raraŋ Aetaniacmo rambuja taŋnandet.

²⁰ Na an kidrik toco, Raraŋ Aetaniaca Iesusmo taup ndamootta larapacatnanna, ma manmo wanaija mba larapacri. Wanaij. Na ma gidik tamuŋ ndopca manmo larapacatna. Na atuna taup ndamtaira ainda wanaij. Na ramoot ianna gidik tamuŋ mba mbopca minmo taup ndamtaira laruatna. ²¹ Na Raraŋ Aetaniaca ma ndo gidik tamuŋ ndopca, Iesusa taup ndamoot ndarurina. Na Raraŋ Aetaniacna timbigta kapca aindopatna,

“Kacootta gidik tamuŋa atuna mambopri,
 ‘U iarwarna taup ndamoot ndeacraŋnandet.’
 Na ma ndona kammo
 mba ngetrikitndai.”

²² Ainda moca aia lamŋirenan, Iesusa raupŋirena an leacatna kamma, anna laj ngoin, na ma atua leacatna kammo kundrina.

²³ Na atua ramtair witta taup ndamtair tarurenan, na mina memetmbaca menacrenan, aintik mina taup ndamtaira memetmbaca mba eacrenanna. ²⁴ Na Iesusa ma iarwar ndeacrenan. Na taup ndamootna aiŋa ma iarwara utiŋga eacrenan, na mana ngegetrikiia kamaind. ²⁵ Ainda moca memetmbaca meikramtaira Raraŋ Aetaniacmo kipca rambuŋairenanmo, Iesusa minmo mana i

7:19 Ro 8.3, na Gal 2.16, na Epe 2.18, na Ib 6.18, na 9.9 7:21 ŋap 110.4,
 na Ib 5.6 7:22 Ib 8.6, na 12.24 7:25 Ro 8.34, na 1 Ti 2.5, na Ib 9.24, na
 1 Io 2.1

mbuɲa mac nda aɲgɪna mɪn ɲgoin. An kidrɪkca ma memetmbaca iarwarna eteacna watap eacrenan, na ma minmo otacna moca mina taupca morena, na minmo Raraɲ Aetaniacmo mbendeirena.

²⁶ Aɪnda moca aɪnta taup ndamoot paɲan aniaca aimo otacna mɪn ɲgoin. Na Raraɲ Aetaniaca toɲgorena tɪpemb kirarirapa tɪpemb ɲgorik kocortanna, ma anna raɲgairenan. Aɪnda moca ma Raraɲ Aetaniacna lamniac ɲgoutta ma rat ɲgoin. Aɪntik Raraɲ Aetaniaca manmo auɲ tamuɲmo tamuɲ ɲgoin matɪkat, na ma tɪpemb ɲgorikta makukara morena meikramtaɪrmo tawan ɲgoinna eacraɲnandet. ²⁷ Na atuna taup ndamtair paɲaind anikca, mina ra, ra, katuca gɪmbamba mona aɪɲap. Na out ɲgoinna mina ndorita tɪpemb ɲgorikta makukarta gɪmbamba monandet. Na anna iɲmbaia mina meikramtaɪrta tɪpemb ɲgorikta makukarta gɪmbamba mac monandet. Na Iesusa ma aɪnta aɪɲir kocor, wanaɲ ɲgoin. Na memetmbaca morena iarwarna gɪmbamba, ma anmo kidrɪk kabe niɲgikca morina. Na anna ma ndona watmo Raraɲ Aetaniaca neaɲrinan. ²⁸ Na Tɪp Wandɪkca ramtaɪrmo moca mina gargar kocor, na mina taup ndamtair paɲaind anik tarurena. Na an kam gidik tamuɲ, ma Tɪp Wandɪkmo iɲmbaia tarurina, na anna ndo Raraɲ Aetaniacna Nuocmo larapacrina. Na an Nuoca ma ramoot laɲ, laɲ ɲgoin, na ma out ɲgoinna laruca aimo otacatna. Na ma iarwar ndeacraɲnandet.

8

Iesusa taup ndamoot paɲan aniacy na ma tamuɲna auɲ ndeacrenan

7:26 Epe 1.20, na Ib 3.1, na 4.15, na 8.1
na 9.12

7:27 TN 9.7, na Ro 6.10, na Ib 5.3,

7:28 Ib 2.10, na 5.1-2, na 5.9

¹ Ainda moca an kamna minija aia mbopapeknanna, ma gaind. Aia gan taup ndamoot paɗan aniac laɗap eacrenan, na ma auɗ tamuɗna Raraɗ Aetaniacna gagriɗta ramoot paɗanna par umbaina mbibiracna taupca, ma anna mbiraca eacrenan. ² Na ma Raraɗ Aetaniacna Ndam ratna taup ndamootna aiɗa moca eacrenan, na anna Raraɗ Aetaniacna Ndam ŋgoin. Na an ndamma ramtaira mba morinanna, wanaiɗ ŋgoin. Kacootta ndo ŋgoinna moatna Ndam.

³ Ainda moca taup ndamtair paɗaind anikca mina muruɗa giɓbambara morenanapa, Raraɗ Aetaniacmo reik laiɗ aɗgi kiɓca neaɗna aiɗap. Aintik Taup Ndamoot Paɗan Aniac Iesus toco, ma giɓbamba mona. ⁴ Na ma gan tiacarpaik ndeacraɗ te, ma taup ndamootta mba eacitndai. Na an kiɗriɓca taup ndamtaira eacrenan, na mina Tiɓ Wandikca mboprinanna, titocna reik laiɗga mina Raraɗ Aetaniacmo neaɗrenan. ⁵ Na an taup ndamootna aiɗa mina utiɗa morenanna, anna auɗ tamuɗna pocpocapa, papacna ndurumna aiɗna kirar. Na an kirara Raraɗ Aetaniaca Mosesmo mitpaca mbopatna. Na an minna ma Raraɗ Aetaniacna Ndamma mona mori, Raraɗ Aetaniaca gaindopatna, “Na an kiɗriɓca u an Ndamna reikca mona mo te, u matau ŋgoinna wat, na mana pocpocrina kirara aku umo takur tamuɗa tikca neaɗrinanna u anna raɗgai.” ⁶ Na mandeaca Iesusa ma an taup ndamootna aiɗmo ma aɗgiɗrinan, na an aiɗa ma kabena taup ndamtairmo ma outmbai ŋgoin. Na ma meikramtairapa Raraɗ Aetaniacna rikca wiɗikca eacrena ramoot, na ma an leacatna kam ŋgamma, mo gagranan. Na an leacatna kam ŋgamma ma atua leacatna kam

8:1 ŋap 110.1, na Epe 1.20, na Kol 3.1, na Ib 1.3, na 3.1, na 10.12, na 12.2

8:3 Epe 5.2, na Ib 5.1, na 9.14 8:5 NA 25.40, na Ndu 8.4, na Up 7.44, na Kol 2.17, na Ib 9.23 8:6 2 Ko 3.6-9, na Ib 7.22, na 9.15

bagarmo outmbai ngoin. Ainda moca an reikta leacatna kam ngamca aimo babuca neaŋ ndoprinanna, anna mina atua leacatna kam bagara babuca aimo neaŋ ndoprina reikmo kunda tamuŋmbai ngoin.

Leacatna kam ngamma ma atuna leacatna kam bagarmo tamuŋmbai

⁷ Na ne lamjirenan, outna leacatna kam bagara mana aiŋmo matau wandoŋ laŋa mo te, Raraŋ Aetaniaca ma kabena leacatna kam ngamma mba moitndai. ⁸ Na Raraŋ Aetaniaca ma meikramtairta tipemb ngorikta makukara ma mo larurinan, na ma gaindopatna, “Kacootta aindopatna, ‘Ne warac. Iudana wiwitnanapa Israelna wiwitnanmo, aku ra ianna larapaca eacrenan, minmo an kam ngamma leacna monande. ⁹ Na an leacatna kamma ma atuna leacatna kamna kirar toco wanaiŋ, na aku minmo neaŋga mina nicarmo Isipa tikca mina par ngutiŋa aŋgica kipatna. Na mina aukna leacatna kammo mina an kammo mba raŋgairi, ainda moca aku mina Kacootta minmo iŋ neaŋrinan.’” ¹⁰ Ainda moca Kacootta gaindopatna, “An kidrikca mai te, aku Israelna wiwitnanap leacatna kam ngamma gaind. Aku ndona tipemb wandikmo muruŋa mina iroara tiknandet, na aukna tipemb wandikta kambmo mina iroar inkara tirnandet. Na aku Raraŋ Aetaniac ndeacraŋ te, na mina aukna wiwitna meikramtair ndeacnande. ¹¹ Te, an minna meikramtaira ndorita kamkabearpa laiplacarmo mba riptitndai, na mina gaindopatna, ‘Ne Kacootmo lamji.’ Mina muruŋcamiŋa aukmo lamjirenan, an meikramtaira irembapnan, co, iremb kocortan. ¹² Na mina wandoŋa taŋ ngocor te, aku mina moca kadmainandet, na mina tipemb ngorikta

8:7 Ib 7.11, na 7.18 8:8 Ier 31.31-34 8:10 Sek 8.8, na Ib 10.16 8:11 Ais 54.13, na In 6.45, na 1 Io 2.27 8:12 Ro 11.27, na Ib 10.17

makukarmo mo kecarinandet, na aku anna moca mba lamjitndai.”

¹³ Na an kamma Raraŋ Aetaniaca ma leacatna kam ŋgamna moca mboprenan, na an tipna kirar mbuŋa outna leacatna kamma ma bagara larurinan. Na reaca maica bagara taŋrenanna, ma kidrik teker emtemma eaca, ma kocnai topnandet.

9

Atuna taup ndamoot paŋan aniaca amna ŋgoaebta racaindmo gimbarara morenan

¹ Na an outna leacatna kamma ma Raraŋ Aetaniacmo mbembendeina tipna kirarna tipap, na mbembendeina Ndam ianna gan tiacarpaik ndeacrena. ² Anna mina moatna amta ŋgoaebta iŋitna kac. Na mana outna diab inik, anna tac tikrena taupna reacapa, tapaca tikrena barap eacrenan. Na anmo mina tapaca Raraŋ Aetaniacna lamniac ŋgoutta tikca eacrenanmo anna tikrenan. Na an diab inikmo, mina gaimd ŋgacrenan, “Diab Rat.” ³ Na mina raraŋit aniaca loraca ma Diab Rat ŋgoinmo wawaraca eacrenanna, anna kabena diabca eacrenan, na mina gaimd ŋgacrenan, “Diab Rat ŋgoin.” ⁴ Na mina gimbarara moca inpai laŋ larurena taupmo, mina anmo gol mbuŋa morina. Na an Kam Leacrena Bogis ma toco an inik ndeacrena. Na an bogis motocmo, mina kocnaia muruŋ-camiŋa gol mbuŋa pairina. Na an bogisna inikca mina amna reac menana golna winna tikca an inik ndeacrina, na Aronna ndindipacna komborap, ma atua upura garinanna mina anna tikrinanapa, Raraŋ Aetaniaca nearjrina waut mbuniŋa leacatna kamma anna tircac eacrenanna,

mina an inik ndeacrinan. ⁵ Na an reacna tiŋ nambatmo mina meikramtairta tipemb ŋgorikta makukarmo, mo kecarina taupap. Na mbaɪna ŋeroŋ mbuniŋna da laŋniŋa, an reacna tiŋmo tipniŋa mbiraca wikniŋmo wambaraca an reacna tiŋmo wawaraca mboraca eacrenan. Na an ŋeroŋniŋa Raraŋ Aetaniacna taup aŋgɪca, an taupca eacrenan. Aintik mandeaca aku an reikta miniŋmo mba kocnaia mbopi laruitndai.

⁶ Ainda moca mina reikmo ainda morenan, ra, ra katurenanna, taup ndamtaira an Raraŋ Aetaniacna Ndamna inikca mbukca mina ndorita aiŋira morena. ⁷ Na taup ndamoot paŋan aniac, ma ndo kabe ŋgoinna iar kabena inikmo, kiɗrik kabe niŋgikca, an Ndamna diabna inik ŋgoinmo mbukrenan. Na ma wanaiŋa mba taŋca mbukrenan. Ma racainɗpaikap aŋgɪca anna mbukrenan. Na an racainɗpaik ma giŋbamba moca ma ndona tipemb ŋgorikta makukarmo moa kecarirenan, na an mbuŋ toco, ma meikramtairta tipemb ŋgorikta makukarmo mina lamŋi ŋgocora morenan motocmo mo kecarirena. ⁸ Na an tipna kirara ŋeroŋ Ratta aimo gainda wandacatna, an minna Raraŋ Aetaniacna outna Ndamma eacrenanna, Raraŋ Aetaniacna Diab Rat ŋgoinna mana tataŋna taupca ma raekca mba larua waekeri. ⁹ Na an outna Raraŋ Aetaniacna Ndamma, ma aimo mandeacna minna reikca larunanna pocpocrinan. Na an Raraŋ Aetaniacna Ndam mbuŋa mina manmo reik laiŋ, laiŋ neaŋrenanapa, manmo giŋbamba morenan. Na an reikca muruŋcamɪŋa meikramtaira mbendeirenanmo, nikinik iroarmo mba wandoŋai, te, mina gainda lamŋinandet,

9:5 NA 25.17-18 9:6 Ndu 18.2-6 9:7 NA 30.10, na TN 16.2-34, na Ib 5.3, na 7.27 9:8 In 14.6, na Ib 10.19-20 9:9 Gal 3.21, na Ib 7.18-19, na 10.1-2

mina tipemb ngorikta makukara mba morenan. ¹⁰ Na an Tipemb Wandikca ma amta reikapa, pukapa, kainta reikmo mina puk mbuḡa mataurena tipemb kirarirmo, mbop te, meikramtaïrmo moca mina rat ndarunan. Na ma ramootna tikna reikta kam ningikca ndoprenan. Na Raraḡ Aetaniaca ma an tipembca neaḡrinanna, ma meikramtaïra anmo raḡgaica taḡca, ma reikmo muruḡ-camiḡa wandoḡaina minna tikna.

Karaisa ma ndona racaind mbuḡa ḡimbamba morina

¹¹ Na mandeaca Karaisa malarurinan, na ma an reik laiḡa tarurinanmo, ma mina taup ndamoot paḡan aniaca eacnandet. Na an Ndam gidik ḡgoïnmo ma mbukrinan, na an atuna Ndammo ma kunda tamuḡmbai. Na an Ndammo ramootta ndona par mbuḡa mba morinan, wanaiḡ. Ma gan tiarpaikna reaca wanaiḡ. ¹² Na Karaisa ma bulmakaor nuikapa memearta racaind-paikca mba aḡḡica an Diab Rat ḡgoïna mba mbukatke, wanaiḡ. Ma ndona racaindpaik mbuḡa ḡimbamba morinan, na ma an Diab Rat ḡgoïnmo kidrik kabe ningikca mbukatna. Ri, ma aimo nda oikca aia iarwara eacraḡnandet. ¹³ Na meikramtaïra Raraḡ Aetaniacna lamniac ḡgoutta rat ḡgocora laru te, taup ndamtaïra memerapa, bulmakaor ramtaïrta racaindpaikapa, bulmakaor minparta kapïra mina tac mbuḡa kocnai rotacrinanmo, aḡḡica anmo meikramtaïrta tikembta kerina. Na mina ainda mo te, mina an meikramtaïrta tikembmo Raraḡ Aetaniacna lamniac ḡgoutmo moca mac ratrina. ¹⁴ Na Karaisna racaindpaikca, ma anmo kunda tamuḡmbai.

9:10 TN 11.2, na 11.25, na 15.18, na Ndu 19.7, na 19.11-13, na Epe 2.15, na Kol 2.16, na 2.20, na Ib 7.16 9:11 Ib 3.1, na 8.2, na 10.1 9:12 Dan 9.24, na Ib 9.26, na 10.4, na 1 Pi 1.19 9:13 TN 16.3, na 16.14-16, na Ndu 19.9, na 19.17-19, na Ib 10.4 9:14 Ro 6.13, na 6.22, na Epe 5.2, na Ta 2.14, na Ib 6.1, na 1 Pi 1.18-19, na 1 Io 1.7

Na Karaisa ma t̄ip ṅgoreacna makuk ianmo mo ṅgocor ṅgoin, wanaiṅ ṅgoin. Na iarwara eacrena Ḥeroṅna gargar mbuṅa ma ndona watnanmo Raraṅ Aetaniacmo an mbuṅa ḡimbamna kirar toca nearṅrinan. Ainda moca mana racaindpaikca aina tik niṅgikca mba moa ratri, wanaiṅ. Ma aina makukarmo kocnaia moca mairinan, na aia lamṅirena, aina iroar inkara Raraṅ Aetaniacna lamniac ṅgoutmo aia rat ṅgoin ndeacrena. Aintik aia an t̄ipemb wandikmo kai ranḡairan teac, ma iarwarna eteacna wat ṅgocor. Na aia iarwarna eteacna watapna Raraṅ Aetaniacna aiṅa moran.

Karaisna racaindpaikca leacatna kam ṅgammo mo gagararinan

¹⁵ Ainda moca Karaisna racaindpaikca aimo Raraṅ Aetaniacna lamniac ṅgoutmo moca rat ṅgoin. Aintik Iesusa ma rikca witikca eacrena ramoot ndarurina, te, ma leacatna kam ṅgammo, mo gaganan. Na ma menacatke, meikramtairmo mac nda oikrina, na mina t̄ipemb ṅgorikta makukarmo mo kecarina, an kidrikca an outna leacatna kamma eacari, mina moatnan. Na meikramtaira Raraṅ Aetaniaca acatna kamma waraca ranḡai te, mina an iarwarna eteacna watta atua Raraṅ Aetaniaca ndona mombonikmo nearṅ ndoprinanna, mina anḡinandet. Te, mina iarwara laṅ ndeacnandet.

¹⁶ Na ramootta menac ṅgocor ndeac te, ma ndona nuocmo reik nearṅ ndoprinanna, ma ramtair ndeidmo leacatna kammo ma minap leacnandet, na ma menac te, an ramtaira an nuocmo mbopca ma ndona aetna reikmo anḡinandet. ¹⁷ Na an ramootta menac te, an leacatna kamma ma gargarap. Na an ramootta ma leacatna kamma ma menac ṅgocor ndeac te, mana

9:15 Ro 5.6, na 1 Ti 2.5, na Ib 3.1, na 7.22, na 8.6, na 1 Pi 3.18
3.15

9:17 Gal

an leacatna kamma ma wanaiŋ ndeacnandet. ¹⁸ Na anna kirara mina amta ŋgoaebmo, mo menaca mina an mbuŋa mina racaindpaik aŋgica, ruŋkica atuna leacatna kammo, mo gagranan. ¹⁹ Ainda moca out ŋgoinna Mosesa meikramtaïrmo Tïpemb Wandikta kambmo muruŋcamiŋa mbopatna. Na iŋmbai ma bulmakao moorŋuocapa, memena racaindpaik aŋgica pukap tikca ma kurinandet. Na ma isop ŋaik tekira mina sipsipna lakoarta ŋgatik laupa morenanna, an aŋgica racaindpaik inikca tiknandet. Te, iŋmbaia ma anmo racaind emtemap mikca eacrenanmo aŋgica tïp emtemmo timbigta kapca kenandet, na emtemmo meikramtaïrmo muruŋcamiŋ nambatta kenandet. ²⁰ Karica ma gaindopatna, “Gan racaindpaikca ma Raraŋ Aetaniacna leacatna kammo moa gagrarinan, na Raraŋ Aetaniaca nenmo anna ranŋaina ndoprinan.” ²¹ Na an tïpna kirar mbuŋa Mosesa Raraŋ Aetaniacna Ndam nambatapa, mbendeirena winapa, tuorŋgourmo an racaindpaikmo min nambat motocmo kerrina. ²² Ainda moca aia lamŋirenan, Tïp Wandik mbuŋa racaindpaik niŋgikca, ma reikmo muruŋa ratta mo larurenan. Na mina giŋmbamba mona amna ŋgoaem ianna mo menac ŋgocor te, na racaindpaikmo mo ruŋki ke ŋgocor, te, Raraŋ Aetaniaca ma meikramtaïrta tïpemb ŋgorikta makukara ma mba mo kecaritndait.

Karaisa ma ndo ŋgoinna giŋmbamba moca tïpemb ŋgorikta makukarmo moi kecarinandet

²³ Na an Ndamna reikca mina an auŋ tamuŋna reikta kirar toco pocpoca eacrenan. Na mina amta ŋgoaebta racaindpaik aŋgica an reikmo Raraŋ Aetaniacna lamniac

9:18 NA 24.6 9:19 NA 24.3-8, na TN 14.4-7, na 16.14-15 9:19 NA 24.6-8 9:20 NA 24.8, na Mt 26.28 9:21 NA 29.12, na 29.36, na TN 8.15, na 8.19 9:22 TN 17.11, na Epe 1.7 9:23 Ib 8.5, na 10.1

ngoutmo moca ratnan. Na tamuɽna auɽna reik gidkarmo, mo ratnanna, anna gimbam rat laɽ ngoinna maecrena, na ma an amta ngoaebta gimbammo kundrina. ²⁴ Na aia lamɽirena, Karaisa ma gan tiacarpaikna ramoot morina Diab Ratmo, ma mba mbukatke, anna auɽ tamuɽna Diab Ratna pocpoc niɽgik. Na mandeaca ma tamuɽna auɽ ngoinmo ma ndo ngoinna taɽga mbukrinan, na ma Raraɽ Aetaniacmo rambuɽ ngoinna manap eacrenan, na ma aimo otacna aiɽjira morenan.

²⁵ Na iarir kabe, kabea Iudana taup ndamoot paɽan aniaca, ma gimbambara morena racaindpaik aɽgica, ma an Diab Rat Ngoinna mbukrenan. Na anna mana racaindpaikca wanaiɽ. Na Iesus Karaisa ma ainda mba mori, ma tamuɽna auɽmo taɽga, ndomo Raraɽ Aetaniacmo gimbamna kirar toc maneangot. Na ma memetmbaca mba morinanna, wanaiɽ ngoin. ²⁶ Na ma memetmbaca moraiɽ te, ma giɽgiɽ wiɽ anikca aɽginandet, an minna Raraɽ Aetaniaca gan tiacarpaikca moca kiɽca ganna min. Na anna wanaiɽ. Mandeaca tiacarpaikna mamamaina kiɽriɽca kiɽca rambuɽairina, na Karaisa ma gan tiacarpaikmo kiɽriɽ kabe niɽgikca kiɽpatnan. Ma ndo ngoinna, Raraɽ Aetaniacmo gimbamba mona moca ndona tik neaɽga tiɽpemb ngorikta makukarmo, mo kecarina. ²⁷ Na aia meikramtaira kiɽriɽ kabe niɽgikca menacrenan, na iɽmbaia mina Raraɽ Aetaniacna ritri waparaca larunandet. ²⁸ Ainda moca an kirar toc mbuɽa, Karaisa ma ndona tikmo gimbamba moca Raraɽ Aetaniacmo kiɽriɽ kabe niɽgikca neaɽrinan. Te, meikramtaira wiɽna tiɽpemb ngorikta makukarmo mbuknan. Aintik oit

9:24 Ro 8.34, na Ib 6.20, na 8.2, na 1 Io 2.1 9:26 1 Ko 10.11, na Gal 4.4, na Ib 7.27, na 9.12, na 1 Pi 3.18 9:27 RL 3.19, na LR 3.20, na Ais 53.12, na 2 Ko 5.10, na Pil 3.20, na 2 Ti 4.8, na Ib 10.10, na 1 Pi 2.24, na KIEK 20.12-13 9:28 Ais 53.12, na Ro 6.10, na Ta 2.13, na 1 Pi 2.24, na 2 Pi 3.12, na 1 Io 3.5

ianna ma kabena kidrik mac kipnandet, na an minna ma tipemb ngorikta makukar mo kecarina mba kipitndai, wanaij. Ma mac nda kipca meikramtaira manmo lam-birenan ngoinmo, mac nda anginandet.

10

Na atuna gimbambara mina tipemb ngorikta makukarmo mo kecarina minna wanaij

¹ Na Tip Wandik mbuja aia watrenanna, ma injmbai nakikipna reik laiŋta pocpocrenan. Na an reikmo, ma aimo mba giwaca wandacatke. Na Tip Wandikca aindopatna, iarir kabe, kabea mina an gimbammo kirar kabea moraj. Aintik aia lamjirenan, Tip Wandikca meikramtaira Raraj Aetaniacna mbendeirena Ndamma tanrenanmo, mba wandonjaiitndait. Na ma minmo laiŋga mba moitndai. Wanaij ngoin. ² Na ainta gimbamba meikramtairmo, moca mina laiŋ koind tarurenan, te, mina kabena gimbammo mba moitndai. Na an gimbam kabe ningikca meikramtaira Raraj Aetaniacmo mben-deirenanmo moi ratta mona min te, mina nikinik iroar punŋa mina gaind ndamjinandet, mina tipemb ngorikta makukar kocor. ³ Na anna wanaij. Na an gimbambara iarir kabe, kabea minmo moca mina ndorita tipemb ngorikta makukarta tamjirena. ⁴ Na mana minija gaind, bulmakao ramootapa, memena racaindpaikca mina tipemb ngorikta makukarmo mo kecarina minna wanaij ngoin.

⁵ Ainda moca an kidrikca Karaisa gan tiacarpaik nakiprinanna, ma gaindopatna,

10:1 Kol 2.17, na Ib 8.5, na 9.9-11, na 9.23, na 10.4 10:3 TN 16.21, na Ib 9.7 10:4 Mai 6.6-7, na Ib 9.13, na 10.11 10:5 Ais 1.11, na Emo 5.21-22
10:5 IJap 40.6-8

“Mina amta ngoaebmo, moa menaca gimbambara morenanna,
u mba toŋgorenanna.

Na u aukmo nearna tik ianmo,
u kocrorinan.

⁶ Na gimbambara mina tac mbuŋa kocnaia rotacrenanapa,
na tipemb ngoarikta makukarta gimbambar,
motocmo u mba toŋgorenanna.

⁷ Aintik mandeaca aku unmo aindopnandet,
‘Raraŋ Aetaniac, mandeaca aku makipri,
na una toŋtoŋa raŋgainan niŋgik.

Na an kirara mina atua aukna moca kammo timbigta
kapca tirca eacrenan.’ ”

⁸ Na outta ma minmo gimbambara Tip Wandikca mboprina kammo mbopca mina mona. Na ma gaindopatna, “Mina amta ngoaebmo mo menacrenan, na gimbambara morenanmo u mba toŋgorenan. Na gimbambara mina tac mbuŋa kocnaia rotacrenanapa tipemb ngoarikta makukarmo, mo kecarina gimbambara u mba toŋgorenan.” ⁹ Na iŋmbaia ma gaindoprina, “Aku una toŋtoŋ niŋgikca raŋgaina kiprena.” Ainda moca ma atuna tipemb kirarirmo ma moa kecariri, na ma tip kirar ngoammo moca mana taup aŋgirinan. ¹⁰ Ainda moca Iesus Karaisa Raraŋ Aetaniacna toŋtoŋa raŋgaica, ma ndona tikmo gimbamba mona kirarmo, kidrik kabe niŋgik ngoinna nearrina. Na an tipna kirar mbuŋa ma aimo moca aia Raraŋ Aetaniacna meikramtaira, aia wandoik koinde, na aia rattar teacrena.

Karaisna gimbamba ma tipemb ngoarikta makukarmo
mo kecarina min ngoin

¹¹ Na taup ndamtaira mina muruḡa ra, ra katuca memetmbaca mina witiḡca ndorita aiḡira morenan. Na ainta ḡimbambara mina memetmbaca kirar kabemo kiḡrikar witta morenan, na an ḡimbamba ma tiḡpemb ḡgorikta makukarmo, mo kecarina minna wanaiḡ ḡgoin.

¹² Na Karais, ma tiḡpemb ḡgorikta makukarmo mo kecarina ḡimbamba ma kiḡrik kabe niḡḡikca morina, na an ḡimbamba ma iarwara eacraḡnandet. Na ma ainda moa maica, ma tanḡa Raraḡ Aetaniacna par umbaiḡ mbiracrina, ¹³ na an rana minna tiḡca ma lambica tanḡi, Raraḡ Aetaniaca mana puḡḡaḡḡepmo mana kaḡḡaukca tiḡknande.

¹⁴ Na an meikramtairmo ma minmo moca mina Raraḡ Aetaniacnan ḡgoin malaruat, na minmo ma ḡimbam kabe ḡgoin mbuḡa moca mina laiḡ koind taruatna, na mina memetmbaca aind ndeacraḡnandet.

¹⁵ Na ḡeroḡ Rat toco, aimo kam gargarca ḡainda wiwitiḡca mambopat, ¹⁶ “Raraḡ Aetaniaca ḡaindopatna, ‘An leacatna kam ḡḡam, aku minap monanna, anna ḡaind. Na aku ndona Raraḡ Aetaniacna tiḡpemb wandikmo mina iroara tiḡknandet, na an Raraḡ Aetaniacna tiḡpemb wandikmo mina iroar inkarmo tirnandet.’” ¹⁷ Na iḡmbaiḡ ma an kammo ḡaind mac mambopat, “Aku mina tiḡpemb kirarir ḡgorikcapa, tiḡpemb ḡgorikta makukarmo ndarekrekenandet, na aku anna moca mba lamḡḡitndai.” ¹⁸ Ainda moca Raraḡ Aetaniaca ma tiḡpemb ḡgorikta makukarmo, mo kecarina te, an tiḡpemb ḡgorikta makukarmo, mo kecarina ḡimbamba mamairi.

*Aia ri*tiḡpac ḡidikca moca Raraḡ Aetaniacmo tanḡa rambuḡaina

10:11 NA 29.38, na Ndu 28.3, na Ib 7.27, na 10.4 10:12 Kol 3.1, na Ib 1.3
 10:12 ḡap 110.1 10:13 Up 2.35, na 1 Ko 15.25, na Ib 1.3 10:16 Ier
 31.33, na Ib 8.10 10:17 Ier 31.34, na Ib 8.12

¹⁹ Na aia Iesusa rīpacrena laiplacar, Iesusna racaind-paikca aina tīpemb ŋgorikta makukarmo ma moa ke-caririnan, aintik aia Raraŋ Aetaniacna Ndamna Diab Rat ŋgoinna mbukna min, na aia kai nanambi teac. ²⁰ Na aia an Diab Rat ŋgoinna mbumbukca aia an iarwarna watna taup ŋgam ndiŋa taŋ mbuknandet. Na an taupca Iesusa ndo ŋgoinna gootrinan, ma an raranjit aniaca tiŋa mboraca loraca eacrenanmo, ma an ndiŋa mbukca gootrina. Na an raranjitta ma Iesusna tik toc. ²¹ Na aia taup ndamoot paŋan aniacap, na Raraŋ Aetaniacna meikramtaīrmo muruŋcamiŋa ma bubuocrenan. ²² Na ma ndona racaindpaikmo aina nikinik iroar inkara kerinan, te, aina tīpemb ŋgorikta makukarmo aia morenanmo, ma mo mainandet, na aimo moca aia lamŋinandet, aia Raraŋ Aetaniacna lamniac ŋgoutta aia rat ŋgoinna ndeacrenan. Na ma aina tikembmo puk rat ŋgoin mbuŋa tukirinan. Ainda moca aia ndorita nikemb inkar teacrena paparuna tīpemb kirarirmo mo kecarī, na aia Raraŋ Aetaniacmo, gidik ŋgoinna rīpac, na man ndambuŋmo taŋi ram-buŋaina. ²³ Te, aia ndorita rītiŋpaikapa, reik laiŋmo aia lambirenanmo, aia anna kamb ndoprena. Aintik aia ndorita rītiŋpaikmo utiŋa gagraca, na aia kai nanambi teac, na kai rugut mo teac. Na aia lamŋirena, Raraŋ Aetaniaca ma mo ndoprina reikca ma muruŋcamiŋa gidik ŋgoinna monandet. ²⁴ Na aia Raraŋ Aetaniacna meikramtaīrmo aia kabe, kabea min motocmo lamŋiraŋ te, mina iroarmo mo ŋgepca mina kabena meikramtaīrmo matŋina, na mina minmo tīpemb kirarir laiŋa mona. ²⁵ Ainda moca

10:19 Ro 5.2, na Epe 2.18, na 3.12, na Ib 4.16, na 9.8, na 9.12 10:20 Mt 27.51, na In 10.9, na 14.6, na Ib 9.3, na 9.8 10:21 1 Ti 3.15, na Ib 4.14
 10:22 TN 8.30, na Esi 36.25, na Epe 3.12, na 5.26, na Ib 9.14, na Ie 1.6, na 1 Io 3.21 10:23 1 Te 5.24, na 2 Te 3.3, na Ib 4.14, na 11.11 10:25 Ro 13.11, na Pil 4.5, na Ib 3.13, na 2 Pi 3.9-11, na 3.14

aia Raraŋ Aetaniacna meikramtaír, aia tumbunna tikna tìpemb kirarirmo kai ndarekrekke teac, ainta tìpemb kirarira ramtaír ndeida mba morenanna. Na ne lamŋirenan, Karaisna Ra, ma kípca rambuŋairinan. Aintik aia kabe, kabea gagraa aiŋa moca kabena meikramtaírta nikinik iroarmo, moi gagraa.

Na Raraŋ Aetaniacna Nuocmo aia iŋa kai neaŋ teac

²⁶ Na ne warac. Aia Karaisna kam gidik mbuŋa landamŋi aŋŋiatna. Na iŋmbaia aia ndorita iroarapa toŋ-tonŋar puŋga tìpemb ŋgorikta makukarmo anduna moca ranŋaica taŋraŋ te, an tìpemb ŋgorikta makukarmo, mo kecarina kabena gimbam kocor. Wanaiŋ ŋgoiŋ. ²⁷ Aintik aia ritri waparacna ra aniacapa, an tac bagaraniaca wírna kocroca Raraŋ Aetaniacna puŋnaŋgepmo wírnanmo, aia rugdar mocarica anna ndabinandet. ²⁸ Na aia lamŋirenan, ramoot ianna ma Mosesna Tìp Wandikmo iŋ neaŋca ranŋai ŋgocor, na ramoot mbuniŋ, co, mbonkaca watca manmo mbop laru te, mina mana moca gidikca mba kadmaiitndai. Mina manmo, mo menacandet. ²⁹ Na ramoot ianna Raraŋ Aetaniacna Nuocmo iŋ neaŋ te, na mana aiŋmo reac ŋgoreaca mo te, Raraŋ Aetaniaca manmo tida moit? Ma an ramootmo gírŋira tamur ŋgoinna neaŋnandet. Na Karaisna racaindpaik mbuŋa ma kam ŋgammo leaca moa gagraŋinan, na ma an ramootmo moca ma Raraŋ Aetaniacna ramoot rat ndarurina. Na an ramoot, mandeaca ma an racaindpaikmo moca ma reac wanaiŋ malaruat. Ri, ma kakadmáina ŋeroŋmo pepereca mboprina. ³⁰ Na aia lamŋirenan, Raraŋ Aetaniaca ma gaindopatna, “Tìpemb ŋgorikta kirarirta nda ruruti, anna

10:26 Ndu 15.30, na Ib 6.4-8, na 2 Pi 2.20-21 10:27 Ais 26.11, na Ib 12.29

10:28 TW 17.6, na 19.15, na In 8.17, na 2 Ko 13.1 10:29 NA 24.8, na 1 Ko 11.29, na Epe 4.30, na Ib 12.25, na 13.20 10:30 TW 32.35-36, na Iŋap 50.4, na 135.14, na Ro 12.19

aukna aiŋ. Aku ndo mina t̄ipemb ŋgorikta makukarmo rutica minmo mo ŋgocrainandet.” Na ma gaimd mac mbopatna, “Kacootta ma ndo ŋgoinna meikramtairmo ritri waparaca monandet.” ³¹ Na meikramtaira t̄ipemb ŋgorikca morenanna, mina Raraŋ Aetaniacna iarwar ndeacrena kaŋgaukca kip te, an meikramtair mina manmo gidik ŋgoinna nanambinandet.

Aia ritipacna moca gagraca witik

³² Na ŋgaua nenmo larurina reikca ne lamŋiri. Na an minna ne Raraŋ Aetaniacna kambmo lamŋirina. Na an minna mina nenmo makukar anik neaŋrenan, na ne giŋgiŋ anikca ne maanŋiat. Na an makukarmo ne witikca gagraca minmo mba irikreke. ³³ Na kidrikar ndeida mina nemo aŋgica laruca meikramtairta outta tikca, mina nenmo numbirta kamb topri, na nenmo t̄ipemb ŋgorikca morina. Na kidrikar ndeida meikramtaira ainta makukar aŋgirinamo, ne mina mikca minap eacrenan, na ne minmo otacrena. ³⁴ Na mina nena ndeidmo kac ŋgoreaca tikatke, ne minmo kadmaica minmo t̄ip laŋa morinan. Na mina nena reikmo aŋgiri, ne kaega mba mori, ne anmo toŋtoŋ niŋgik. Na ne lamŋirenan, nena reac gidikca eacrenan, na anna ma memetmbaca eacraŋnandet.

³⁵ Na an t̄ipemb kirarir laŋga, ne ŋgaua morinan, ne anmo lamŋiraŋ te, na nena ritipac gargarmo ne kai kecarri teac. Ne gagraca witik te, ne opoik aniaca aŋginandet. ³⁶ Na ne witik gagraca eac te, ne Raraŋ Aetaniacna toŋtoŋmo raŋgainandet. Te, atua Raraŋ Aetaniaca nemo babuca neaŋ ndoprina reik laiŋmo ne

10:31 Lk 12.5 10:32 Gal 3.4, na Pil 1.29-30, na Kol 2.1, na Ib 6.4 10:33 1 Ko 4.9, na Pil 1.7, na 4.14, na 1 Te 2.14 10:34 Mt 6.20, na 19.21, na 19.29, na Lk 12.38, na Up 5.41, na Pil 1.7, na Ie 1.2 10:35 Mt 5.12, na 10.32 10:36 Lk 21.19, na Gal 6.9, na Kol 3.24, na Ib 6.12, na 9.15, na 12.1

anġinandet. ³⁷ Na Raraġ Aetaniacna timbigta kapca gaidoprina, “Kidrġk rocotta wanaiġ, na mandaia kip ndoprinanna, ma kipnandet, na ma kidrġk rocot ngoinna mba lambiitndai. ³⁸ Na meikramtaġra mandaia aukna ritġpac ngutiġ te, aukna lamniac ngoutmo mina wandoġ ndeacnande. Na mina iarwarna eteacna wat gidikap eacraġnandet. Na mina aukmo ga witġk te, aku minmo mba tongoitndai.”

³⁹ Na aia mba ga witġkrenanna, na taprekeitndai, wanaiġ. Aia meikramtaġra ritġpacnan, na iarwarna eteacna wat anġina meikramtaġr.

Aia Raraġ Aetaniacmo riġpaca witġki gagra

11

(11–13)

Ritġpacna tiġna kirarna miniġ

¹ Na ritġpacna tiġna kirara ma gaid. Aia gaida matau lamġirenan, reik laiġ, laiġga Raraġ Aetaniaca aimo baburinan, na ma aimo neaġ ndoprinanna, anna aia anġina lambirenan, aia gidik ngoinna anġinandet. Na aina lamnikca an reikmo wat ngocor, aia matau lamġirenan, an reicka muruġcamiġa eacrenan. ² Na ritġpac mbuġa atuna meikramtaġra mina Raraġ Aetaniacmo riġpacatna, na ma mina tiġpemb kirarirta moca ma toġtoġ ngoin, aintik ma minmo meikramtaġr laiġ toprenan. ³ Na aia Raraġ Aetaniacmo riġpacrenan, tik, aia lamġirenan, ma gan tiacarpaikapa riacmo, ndona up mbuġa mbopatke, ma moa laruatna. Ainda moca reicka aia muruġcamiġa watna min, ma an mbuġa mba moatke,

10:37 2 Pi 3.9 10:37 Aba 2.3-4 10:38 Ro 1.17, na Gal 3.11 10:39
 1 Te 5.9, na 2 Te 2.14, na 2 Pi 2.20-21 11:1 Ro 8.24-25, na 2 Ko 4.18, na 5.7
 11:3 RL 1.1, na Ŧap 33.6, na 33.9, na ln 1.3, na 2 Pi 3.5

anna aia wat ŋgocorta reik puŋga Raraŋ Aetaniaca moatnan.

Abolapa, Enokapa, Noa, mina Raraŋ Aetaniacmo ri pacatna ramtairpaik

⁴ Na Abol ma Raraŋ Aetaniacmo ri pacrinan tik, ma manmo gi mbamba morinan. Ri, Raraŋ Aetaniaca mana gi mbambmo ton gorinan, na ma Keinna gi mbambmo mba ton goatke. Na Abola Raraŋ Aetaniacmo ri pacatke, anna minin na moca, Raraŋ Aetaniaca mana neanrina reik lainmo ton gorinan. Na anna aimo wandacrinan, aintik Raraŋ Aetaniaca manmo ramoot wandon ŋgacrina. Na Abola ma menacri, na mana an ri tipac mbuŋa, mana an kamma aimo mambopreke.

⁵ Na Enoka ma Raraŋ Aetaniacmo ri pacri tik, ma manmo auŋ tamuŋ naan gi gacatke, ma mba menacri. Na meikramtaira mana moca oreri, na mina manmo mba watri, Raraŋ Aetaniaca manmo maan gi at. Na Raraŋ Aetaniacna timbigta kapca gaindopatna, an kidrikca Raraŋ Aetaniaca Enokmo an gi ŋgocor ndeacri, ma manmo ton gorinan. ⁶ Na meikramtaira Raraŋ Aetaniacmo ri pac ŋgocor te, ma minmo mba ton goitndai. Ainda moca mandaia Raraŋ Aetaniacmo tan ga rambuŋaina mo te, ma gainda ri pac lamji, Raraŋ Aetaniaca eacrena, na meikramtaira Raraŋ Aetaniacmo orerenanna ma minmo matau ŋgoinna morenan.

⁷ Na in mbaina laruna reikta kammo, Raraŋ Aetaniaca Noamo mambopat, na Noa, ma Raraŋ Aetaniacmo ri pacrenan tik, an reik laru ŋgocor ndeacri, na ma mba watri. Ma Raraŋ Aetaniacmo ri pacatke, ma lan gumma moatna. Ri, manapa, mana meacap mombonikca, mina

11:4 RL 4.3-10, na Ib 12.24, na 1 Io 3.12 11:5 RL 5.21-24 11:7 RL 6.13-22, na 7.1, na Ro 3.22, na 4.13, na 1 Pi 3.20

lan gummo mbukca mba ngocrairi, mina lan maeacat. Na an ritipac mbuɲa Noa, ma gan tiacarpaikna meikramtairta tipemb ngorikta makukarmo, moa larurinan. Ainda moca Noa, ma Raraɲ Aetaniacmo ripacatke, ma manmo ramoot wandoɲ maacat, na an kirara meikramtaira manmo ripacrenanmo, ma minmo ainda morenan.

Abraamapa, Sara maniɲa Raraɲ Aetaniacmo ripacatna

⁸ Na Abraam, ma Raraɲ Aetaniacmo ripacrenan tik, an kidrikca Raraɲ Aetaniaca manmo acatke, ma mana kammo maraɲgaiat. Na ma ndona auɲmo tikcarica Raraɲ Aetaniaca manmo neaɲ ndoprina pitrik ian matanɲat, na an pitrikca Raraɲ Aetaniaca manmo neaɲrinan. Na Abraamma ndona tataɲna taupmo mba lamɲiri, ma Raraɲ Aetaniacmo ripacatke, ma matanɲat. ⁹ Na ma ripaca ma tanga, Raraɲ Aetaniaca manmo atua neaɲ ndoprina, pitrikca tanga an mambiracat. Na ma an pitrikmo kabena auɲna ramootta tanga eacrena kirar toc maeacat. Na ma amta ngoaebta injir puɲga morena kaik teacrenan. Na Aisakapa, Iakop toco, an kirara eacrenan, na mina muruɲa Raraɲ Aetaniaca minmo an pitrikmo neaɲna baburina. ¹⁰ Na ritipac mbuɲa Abraamma Raraɲ Aetaniaca ndona landamɲi mbuɲa lamɲica moatna auɲ aniacna lambirenan, na an auɲ aniacna ma iarwara eacraɲnandet.

¹¹ Na Sara toco Raraɲ Aetaniacmo ripacrenan. Ma meac bagar, na ma kopica eacrenan, na mana mombonikca mimirna kidrikca ma kundri, na ma Raraɲ Aetaniacmo ripacri tik, Raraɲ Aetaniaca manmo gargar neanɲat, na ma moonnuoc mamirat. Karica ma gaind malamɲiat,

11:8 RL 12.1-5, na Up 7.2-4 11:9 RL 12.8, na 13.3, na 13.18, na 18.1, na 18.9, na 26.3, na 35.12, na 35.27, na Ib 6.17 11:10 Ib 3.4, na 13.14, na KIEK 21.2, na 21.10 11:11 RL 17.19, na 18.11-14, na 21.2, na Ro 4.21, na Ib 10.23

“Raraŋ Aetaniaca aukmo baburinan, aintik aku moorŋ-uoca mirrina. Na ma mba parurenan, ma kam gidik ningkica mboprenan.” ¹² Aında moca Abraamma ramoot bagar ŋgoin, na ma menacna rambuŋairi, na ma mombonik rimbŋar wiŋna aet malaruat. Na mina wiŋ aniac ŋgoinna larurinan, na minmo nduna towanaŋ, mina ndunduca riac tamuŋna guiarapa, maŋarna tingunna kirar toc ŋgoin.

¹³ Na an ramtairpaikca Raraŋ Aetaniacmo ripacrinanna, mina manmo ripaca taŋga mina menacrina. Na an kidrikca mina gan tiacarpaikca eacri, Raraŋ Aetaniaca babuca neaŋ ndopatna reik laingga mina mba aŋgiatke. Na anna kirara gaind, mina tawan toc ndeaca an reikmo watrenan, na mina an reikmo watna toŋgorenan. Na mina gaindopna numbira mba mori, “Aia gan tiacarpaikca eacrenanna, aia kabena pitrik waŋna meikramtairta kirar toca eacrenan. Na gan tiacarpaikmo aia kidrik rocotta mba eacitndai.” ¹⁴ Na meikramtaira ainta kamb toprenan, na aia warac te, aia lamŋinandet, anna mina ndorita pitrik waŋ ŋgoinna ŋgorerenan. ¹⁵ Aında moca mina tikcarica kipatna pitrikna ndamŋiraŋ te, mina manmo nda taŋna min. ¹⁶ Na an ramtaira mina ndorita pitrik bagarna mba lamŋiri. Wanaiŋ. Mina an tiacarpaik ŋgam aŋgina toŋtoŋ ŋgoin, na ma laŋ ŋgoin, na gan tiacarpaikmo ma kunda tamuŋmbai. Na an tiacarpaikca, anna ma tamuŋna auŋ ningik. Na an ramtaira Raraŋ Aetaniacmo gaindoprenan, “U aina Raraŋ Aetaniac.” Na Raraŋ Aetaniac, ma mina an kamna moca numbira mba mori, an ramtaira manmo ripacrinan, na mina eacna auŋ aniaca ma kocrorinan.

11:12 RL 15.5, na 22.17, na 32.12, na TW 10.22, na Ro 4.18-19 11:13 RL 23.4, na 1 Nin 29.15, na ŋap 39.12, na 1 Pi 1.17, na 2.11 11:16 NA 3.6, na 3.15, na Mk 12.26, na Up 7.32, na Pil 3.20, na Ib 13.14

¹⁷⁻¹⁸ Ri, Raraŋ Aetaniaca ma Abraammo gainda baburina, “Aisak mbuŋ tik, una nicar ŋgamrirta mombonikca larunandet.” Na an minna Raraŋ Aetaniaca Abraammo towaia, gaindoprina, “U ndona an nuoc kabe Aisakmo, mo menaca ġimbamba mo.” Ri, Abraamma Raraŋ Aetaniacmo riŋpacatke, ma Aisakmo kocroca Raraŋ Aetaniac maneŋgat. ¹⁹ Na Abraamma gaind malamŋiat, “Aisaka menac te, Raraŋ Aetaniaca manmo nda mo ŋgepna min.” Ainda moca aia an reac larurinanna, aia gidik tamuŋna kam roormo gaindopna, “Abraamma ma ndona moonŋnuoca menacrinanmo, ma mac nda maŋŋiat.”

Aisakapa, Iakopapa, Iosep mina Raraŋ Aetaniacmo riŋpacatna ramtairpaik

²⁰ Na Aisaka ma Raraŋ Aetaniacmo riŋpacatke, ma Iakopapa, Isomo opotac laŋ neŋgatna. Anna iŋmbaia maniŋmo otacnande.

²¹ Na Iakop ma menacna mori, ma Raraŋ Aetaniacmo riŋpacatke, ma Iosepna nuocniŋmo opotac laŋ maneŋgat. Na ma ndona ndindipac mbuŋa dipaca eacri, ma Raraŋ Aetaniacmo paŋan ramtukca mambendeiri.

²² Na Iosep ma Raraŋ Aetaniacmo riŋpacacrenan tik, ma menacna mori, ma gaindopatna, iŋmbaia Israelnaŋgepca Isip tikcarica taŋnandet. Na ma minmo ndona wairna gagrirmo titoca mona kammo mambopat.

Mosesa ma Raraŋ Aetaniacmo riŋpacatna

²³ Na Mosesna aemmapa aetta Raraŋ Aetaniacmo riŋpacatke, maniŋa manmo karwai mbonkaca aŋġia iŋgoroca eacri, na maniŋa watri, ma moonŋnuoc taror laŋ

11:17-18 RL 21.12, na 22.1-14, na Ro 9.7, na Ie 2.21-22 11:19 Ro 4.17-21
 11:20 RL 27.27-29, na 27.39-40 11:21 RL 47.31—48.20 11:22 RL
 50.24-25, na NA 13.19 11:23 NA 1.22, na 2.2, na Up 7.20

malarucat, ri, maniņa an gagrirta ramoot paņanna tīpna moca mba nanambiri.

²⁴ Na Moses ma Raraņ Aetaniacmo rīpacatke, ma ramoot acnaiatke, na ma ndomo gagrirta ramoot paņan Perona mooņna nuoc ndopna kari ņgoin. ²⁵ Na ma ndomo Raraņ Aetaniacna meikramtaīrap makukar aņģina toņ-toņap, na ma an tīp ņgoreacna makukna toņtoņa ranģaica eteaca ma mba toņgorenanna, na an eteaca ma kīdrik tekemmotemna reac niņģik. ²⁶ Na ma gainda lamņirenan, ma Raraņ Aetaniaca babuca mbaģirica kīpca aimo mac nda aņģina ramootmo moca numbira mo te, anna laņ, na anna ma Isipna kitukndukapa lamboir laiņmo kunda tamuņmbai. Na ma lamņirenan, an opoik laņa Raraņ Aetaniaca manmo near ņdoprinanna moca, ma pagraca mawitikat.

²⁷ Na Raraņ Aetaniacmo meikramtaīra manmo mba watrenan. Ainda moca Mosesa Raraņ Aetaniacmo rīpacatke, ma Isipmo tīkariatna. Na an gagrirta ramoot paņanmo ma mba nanambiatke, wanaiņ. Aintik Mosesa an ramootta Raraņ Aetaniacmo lamniac mbaņa watrina kirar toca taņrenan, ainda moca ma witīkca pagraca maeacat. ²⁸ Na Moses ma Raraņ Aetaniacmo rīpacatke, ma Pasowana Rana tīp kirara moa malaruri, na ma meikramtaīrmo mbopca mina sipsip aņģica, mo menaca mana racaindpaikmo aņģica ndorita kaikta tīņa tīkri, te, an guina nuikmo mo menacrena mbaiņa aiņa morena ņeroņa, ma an Israelnanģepta guina nuikmo mba mo menacitndai.*

11:24 NA 2.10-12 11:26 Ib 10.34-35, na 13.13 11:27 NA 2.15, na 10.28-29, na 12.37, na 12.51, na 14.13, na Ro 1.20, na 1 Ti 1.17, na Ib 11.1, na 11.13 11:28 NA 12.21-30 * 11:28 Pasowana Ra: Matiu sapta 26 wes 2na inikca wat. An kam tīp kirar kabe toc an ndeacrena.

Na Israelnangepca mina wit ngoinna Raraŋ Aetaniacmo rīpacatnan

²⁹ Na Israelnangepca mina Raraŋ Aetaniacmo rīpacatke, mina Macait Laupmo kataca mina mana pitrik gargar nambat ndiŋa monmbai waŋa taŋgatna, na Isipnanda minmo raŋgairi, mina puk amba mamenacat.

³⁰ Na Israelnangepca Raraŋ Aetaniacmo rīpacatke, mina Ierikona wuoc aniacmo rai parmbaiapa mbut mbuniŋmo korereatke, ma mairikat.

³¹ Na meacramootna kaŋtertaapna tīp kirara morena meac Reap, ma Raraŋ Aetaniacmo rīpacatke, ma ramootniŋa an auŋ aniacmo iŋgoroca watna kīpatnanmo otacatna. Aintik Reapa an auŋ aniacna meikramtaira Raraŋ Aetaniacmo ndarenanmo, ma minapa mba ŋgocraiatke.

³² Na kaina kamma aku mac mbopit? Na gan ramtairpaik, Gidionapa, Barakapa, Samsonapa, Ieptaapa, Dewitapa, Samuelapa, an rambca morina ramtair, mina nininia mona kīdrikar kocor. ³³ Mina Raraŋ Aetaniacmo rīpacatke. Mina runduik anikmo ruŋga aŋgiatna, na gagrirta ramtairta lapoca ruŋrena ramtairmo, mina minmo mo irikca, mina an Raraŋ Aetaniacna rīpacatna ramtair paŋaindta kaŋgauk ndeacrina. Na an ramtair paŋainda mina tīpemb kirarir wandoik tiŋgikca morenan. Na reikca Raraŋ Aetaniaca minmo neaŋ ndoprinanna, mina maanŋiat. Na laionna upmo mina kaptikirinan.

³⁴ Na mina tac anikmo, mo pikrinan, na bugrim mbuŋa mo menacna mori, mina kīpcariri, na mina gagrar kocor ndeacri, na iŋmbaia mina gargar maanŋiat. Na

11:29 NA 14.21-31 11:30 Ios 6.12-21 11:31 Ios 2.1-21, na 6.22-25, na Ie 2.25 11:32 RP 4.6—5.31, na 6.11—8.32, na 11.1—12.7, na 13.2—16.31, na 1 Sml 1.1, na 1 GRP 2.11 11:33 RP 14.5-6, na 1 Sml 17.34-35, na 2 Sml 7.11, na Dan 6.1-27 11:34 RP 15.8, na 15.15, na 1 GRP 19.3, na 2 GRP 20.7, na Dan 3.1-30

mina runduikta ramtaír anik taruca kabena auḡna lapoca ruḡrena ramtaírmo ruḡna kitac irikrina. ³⁵ Na menacatna meikramtaír ndeida mac ḡgepca, mina meikpitikca minmo mac nda maḡḡiat. Na meikramtaír ndeida mina puḡḡḡgepca minmo pia ḡgocrairinan, na tipemb kirarir ḡgorikca mori, na minmo Raraḡ Aetaniacmo iḡ neaḡ te, minmo wattacarica mina taḡna. Na mina minmo mba waracatke, mina lamḡirenan, mina menac te, mina mac ḡgepca, iarwarna eteacna wat aḡḡinandet.

³⁶ Na mina ndeida mina minmo pepererina kam mbuḡa mboprinan, na mina ndeidmo paraḡ mbuḡa piri, na mina ndeidmo minmo lawirta ḡḡaír puḡna leaca kac ḡgoreaca tikrina. ³⁷ Na mina ndeidmo mina minmo watur puḡna riḡḡa menacatna, na ndeidmo mina so mbuḡa mina tikembmo tipniḡna wawírriḡna. Na mina ndeidmo bugrim mbuḡa mo menacatna. Na mina ndeida, mina tik ḡgapaocna reik kocor tik, mina sipsipapa, memena iḡit aḡḡica leaca taḡrenan, na mina reik kocor koind, na mina puḡḡḡgepca minmo tipemb kirarir ḡgorikca morenan, na minmo makukara neaḡrenan. ³⁸ Na gan tiacarpaikca ainta meikramtaíra man ndeteaca laḡa wanaiḡ. Aintik mina an ramtaír kocorta taupapa, taukruirmo tamtamca taḡrenan, na mina taukruirta aurembapa, pitrikna aurembca eacrenan.

³⁹ Na an meikramtaíra muruḡa Raraḡ Aetaniacmo riḡpacatke, mina mana lamniac ḡgoutmo iremb laiḡ koinda aḡḡirinan. Na an kídríkca mina gan tiacarpaik ndeacrinanna, mina an Raraḡ Aetaniaca babuatna reac laḡa mina mba aḡḡiatke, ⁴⁰ Raraḡ Aetaniaca ma atu

11:35 1 GRP 17.17-24, na 2 GRP 4.25-37, na Up 22.25 11:36 1 GRP 22.26-27,
na 2 Nin 18.25-26, na Ier 20.2, na 37.15, na 38.6 11:37 1 GRP 21.13, na 2
GRP 1.8, na 2 Nin 24.21, na Up 7.58, na 14.19 11:38 1 GRP 18.4, na 19.9

11:40 Ib 5.9, na 7.22, na 8.6, na KIEK 6.11

ngoinna ma aimo reac laŋ ngoinmo aimo kocroca eacrinan. Na an atuna meikramtaira aimo outta laŋ ngoin ndatarua Raraŋ Aetaniaca ainda mba tongorinan. Wanaiŋ. Ma tongorinanna, aia minapmo muruŋa laŋ ngoin ndaruna.

12

Aia Iesusmo watca manmo ri pacraŋ

¹ Ainda moca an atu ngoinna meikramtaira, mina aimo riac tamuŋna dim aniacna kirar toca korereca eacrena, na mina aimo watrena. Aintik an reikca aimo moca aia paŋpaiŋa mba ootrenanna, an tipemb ngorikta makukara aimo muruŋa utiŋga eacrenanmo tikcari. Te, aia ndorita nikinik iroarmo mo gagraca, an katumma Raraŋ Aetaniaca aimo ootna larapacatnanmo aia ootna.

² Na aia ndorita lamnikmo Iesusmo tikraŋ, ma aina ritipacna miniŋ, te, iŋmbaia ma aina ritipaikmo, mo minna tiknandet. Na ma lamŋirenan, ma Raraŋ Aetaniacna kammo matau ngoinna ranŋairan te, iŋmbaia ma toŋtoŋapa, eteac laŋ ndeacnandet. Na ma anna ndamŋica ma gagraca eacrinan, na ma giŋgiŋ anŋica, ma ik nakeraca mamenacat. Na ik naanŋi kekeraca mina gaind ndamŋirenan, ramootta ma anna kerac te, ma ramoot ngoreac ngoin, na ma numbira anŋirenan. Na Iesusa an numbirmo ma maanŋiat, na ma mba nduri. Na mandeaca ma Raraŋ Aetaniacna mbiracrena mbibiracna taupmo, par umbaia mbiraca eacrina.

Raraŋ Aetaniaca aimo makukar neanŋrenanna ma aimo wandonjaina morenan

³ Na ne matau lamŋi, atuna tipemb ngorikta makukara

12:1 Ro 7.21, na 12.12, na 1 Ko 9.24-25, na Pil 3.13-14, na Ib 10.36, na 1 Pi 2.1

12:2 Pil 2.8, na Ib 1.3, na 1.13, na 1 Pi 1.11, na 3.22 12:3 In 15.20, na Gal

morena meikramtaira, mina Iesusmo puɲndamootta morina. Na anna moca ma gagaraca mawitikat. Ainnamoca ne an ndamɲiraj te, ne gagraaca witikca eac, na nena nikinik iroara mba ɲgep ɲgoreac naɲgepitndai. ⁴ Na ne tip ɲgoreacna makukca mo irikna moca, ne maruɲgat, na an runduɲa nena racaindpaikca mba kactacri. ⁵ Na an nena iroar inkara mo gagrana kamma Raraɲ Aetaniaca nenmo mana nuik toprinanna, ne ndarekrekeri ki? Na ma gaindopatna, “Aukna nuoc, Kacootta unmo mo wandoɲaina, na ma reac ianna mo te, u anmo reac wanaiɲa kai mbop teac, na u nikinik iro kai makuku teac. ⁶ Na anna Kacootta ma matɲirena meikramtairmo, ma minmo wandoɲairena. Ainnamoca ma aterta ianmo aɲgica ma manmo ndona nuoc ndop te, ma manmo makukara neaɲ te, anna ma manmo wandoɲairena.”

⁷ Na ne gagraaca witik te, Raraɲ Aetaniacmo watcarica ma nenmo riptia wandoɲaina. Na an tipemb kirarir toca aetera ndorita nuikca morenan, ma an tipna kirarir toco nemo ainnamondet. Na titocna nuoc, ma eacrenanna, mana aetta manmo mba wandoɲairenan? Wanaiɲ. ⁸ Na Raraɲ Aetaniaca ma ndona nuikmo muruɲcamaiɲa wandoɲairena. Na ma nenmo wandoɲai ɲgocor te, ne lamɲinandet, ne mana nuik koinda wanaiɲ. Anna ne rikca mimirna nuikta kirarir toc. ⁹ Na ne an motocmo lamɲi. Aina gan tiacarpaikna aetera mina aimo wandoɲairena, na aia minmo toriraɲ. Aintik aia ɲerɲgaurta Aetna kaɲgaukca eac, na ma Raraɲ Aetaniac, na aia mana eteacna wat laɲ aɲɲinandet. ¹⁰ Na aina gan tiacarpaikna aetera mina ndorita toɲtoɲ mbuɲa aina

12:4 1 Ko 10.13, na Ib 10.32-34 12:5 Iop 5.17, na ML 3.11-12 12:6 ɲap 94.12, na Ie 1.12, na KIEK 3.19 12:7 TW 8.5, na 2 Sml 7.14, na ML 13.24, na 23.13 12:8 ɲap 73.15, na 1 Pi 5.9 12:9 LR 12.7, na Ais 42.5 12:10 TN 11.44, na 1 Pi 1.15-16

típemb kirarirmo, kídrík matíp motemma wandojairena. Na Raraŋ Aetaniaca ma aimo wandojairena, na anna ndo ngoinna aimo otacnandet, te, aia mana típ rat anŋia man toca larunande. ¹¹ Na an kídríkca Raraŋ Aetaniaca aimo wandojaina makukca neaŋ te, aia mba tongorenan. Aina iroar inkara makukap eacraŋnandet. Na ma aimo wandojai te, aia típemb kirarir laiŋ koind anŋinandet. Ainda moca inŋmbaia aia típemb kirarir wandoikca moranŋ te, aina iroar inkara wewetara eacnandet.

Aia wakikia aia gagraca wítík

¹² Ainda moca ne ndorita tutpemb ngorikmo wandojai, na bobororena paírmo anŋi nŋep, ¹³ na taupmo wandojai te, nena our kumbutara laiŋga taŋnande, na mina mba nŋocrait. Mina laiŋ koind mac larunandet.

¹⁴ Na ne gagraca típ kirar laŋna mbibiraca ranŋai te, ne kabena meikramtaírmo muruŋa nikinik iroa laŋanna wetwetta eac. Na ne Raraŋ Aetaniacmo gagraca aiŋa moca ndorita wat neaŋna, na mana típ kirar ratmo ranŋai. Na ramootta ma Raraŋ Aetaniacna típemb kirarir kocor, ma Kacootmo mba watitndai. ¹⁵ Na ne ndorimo matau wat, moca nena ianna irikca Raraŋ Aetaniacna kakadmaica tikcarinandet. Na moca nena ianna ik loora tararar kocora errenan toca laru nari, na ma nemo makukca neaŋnandet, na Raraŋ Aetaniacna lamniac nŋoutmo ne muruŋa ratta mba laruitndait. ¹⁶ Na moca ramoot ianna, ma meacramootna kanŋtertaapna típ kirara, ranŋai nari. Na moca ramoot ianna Raraŋ Aetaniacmo inŋ neaŋ nari, an kirara atua Isoa ma moatna. Ma ndomo amna reacmo kídrík kabe niŋgik maoikat, na mana aetna reik laiŋga, nuoc lacaua anŋirenanna, ma kecamacariat. ¹⁷ Na ne

12:11 Ie 3.17-18 12:12 Ais 35.2 12:13 ML 4.26, na Gal 6.1 12:14 Iŋap 34.14, na Ro 12.18, na 2 Ko 7.1, na Epe 5.5, na 2 Ti 2.22 12:15 TW 29.18, na Up 8.23, na 2 Ko 6.1, na Gal 5.4, na Ib 3.12 12:16 RL 25.29-34 12:17 RL 27.30-40

lamñirenan, iñmbaia ma an reikmo mac nda anjgina mori, na mina manmo wanaiñ mambopat. Ri, Iso ma nananae aniaa mori, na ma ndona iro inik ñgetrikina taupemb kocor.

Na auñ tamuñna Ierusalemmo aia larurina

¹⁸ Na an reikca Israelnañgepca moatnanna, ne mba watri, na ne ndorita pair punğa mba utiñri, an kidrikca nemo mba laruatke. Mina tanğa Sainai takurmo rambuña eacri, mina tac aniacapa neaupdiriñ aniacapa, murmur aniacmo mina mawatat. ¹⁹ Na taurna miñmiñ aniaa kam rapacri, mina waracatnanna ramoot ianna upna kamma mambopat. Ri, an meikramtaira an kam mbaraca mina Mosesmo aemañmañap gaindotatna, “Aia an kam mac waracna karirinan.” ²⁰ Na Rarañ Aetaniaca minmo neañgatna kamna moca mina kocnaia mananambiat. Na ma minmo gaindotatna, “Ramoot ian, co, amna ñgoaem ianna an takura ga te, ne anmo watur punğa riñi tanğa ma menac.” ²¹ Na an reaca mina wattatnanna, minmo moca mina nanambirinan. Ri, Moses toco ma gaindotatna, “Auk toco rugut mocarica nanambica nekrinan.”

²² Na aintocna reaca nenmo mba larurinan. Na ne Saion takurmo kipcna malaruri, na anna iarwarna eteacna watapna Rarañ Aetaniacna auñ aniacmo malaruat. Na anna an tamuñna auñ Ierusalem. Na Rarañ Aetaniacna mbaiñna aiña morena ñerñgaur wiñ anikca punica weraica eacrenanna, ne malaruat. ²³ Na ne Rarañ Aetaniacna guina mombonikca punirena tum-bunmo ne malaruri, na anna an wiwitta Rarañ Aetaniaca mina irembmo tamuñna auñmo ndona timbigta kapca

12:18 Ro 6.14, na 2 Ti 1.7 12:18 NA 19.16-22, na 20.18-21, na TW 4.11-12,
na 5.22-27 12:20 NA 19.12-13 12:21 NA 19.16, na TW 9.19 12:22
Ijap 68.17, na Gal 4.26, na Pil 3.20, na KIEK 5.11, na 21.2, na 21.10 12:23 Lk
10.20, na Pil 4.3, na Ib 11.40, na KIEK 13.8, na 14.4

tirca eacrinan. Na an ritri waparacna ramootmo, ne malaruri, na ma meikramtair muruɲna Raraɲ Aetaniac. Na ramtairta ɲerɲgaura atua Raraɲ Aetaniaca minmo ramtair wandoik ɲgacrenan, na mina laiɲ tarurinanmo ne minmo larurinan. ²⁴ Ainda moca ne Iesus ndambuɲmo malaruat, na ma leacatna kam ɲgamca mo gagarana rikca witikca eacrena ramoot. Na Iesusna racaind-paikca atua ma nemo kerinan, na an leacatna kammo, mo gagarananmo ne malaruat. Na an racaind-paikca ma aimo wiwitina kam ndoprinan, na an atua Abolna racaind-paikca wiwitia mbopatna kamna kirara wanaiɲ. Na Iesusna racaind-paikca ma kam laɲmo wiwitirenan ɲgoin.

Na aia ndorimo matau wat

²⁵ Ainda moca ne matau wat, moca ne ndorita kourmo mo mboraca Raraɲ Aetaniacna kammo nda mbopnandet. Na atua ɲgoinna Raraɲ Aetaniaca gan tiacarpaikna moca ma meikramtairmo kam gargar maneangat. Ri, mina mana kammo mba tongoca waracatke, aintik iɲmbaia mina kipcarica ndorita tipemb ɲgorikta makukarta opoikmo iukaina minna wanaiɲ. Ainda moca mandeaca ma tamuɲna auɲa eaca, ma aimo kam gargarmo maneangat. Na aia manmo iɲ neaɲ te, aia kipcarica tipemb ɲgorikta makukarta opoik ɲgorikmo iukaina min ki? Towanaiɲ ɲgoin. ²⁶ Na atua Raraɲ Aetaniacna kamma ma gan tiacarpaikmo moa numairinan. Aintik mandeaca ma aimo gaind mambopat, “Oit ianna aku gan tiacarpaikapa, tamuɲna auɲmo mac moa numainandet.” ²⁷ Na ma gaindopatna, “Ma anmo kidrik kabe niɲgikca mac monandet.” Aintik aia lamɲirinan, ma gan tiacarpaikmo numai te,

12:24 RL 4.10, na Ib 8.6, na 10.22, na 11.4, na 1 Pi 1.2 12:25 NA 20.22,
na Ib 2.1-3, na 3.17, na 10.26-29 12:26 NA 19.18, na Iɲap 68.8, na Aga 2.6

12:27 Iɲap 102.26, na Mt 24.35, na 2 Pi 3.10, na KIEK 21.1

an reikca ma moatnanna, mina maica kocnai topnandet. Na an reikca ma numaia mina numai ngocortanna, mina ndori tingikca eacnandet.

²⁸ Ainda moca aia angiatna bubuoca, ma mba numaitndai. Aintik aia Raraŋ Aetaniacmo kam laŋ neaŋ, ma aimo an bubuocmo neaŋgatnan. Na ma ndo toŋgorena kirarmo, aia manmo tutpemb rimbitca manmo mben-deiraŋ. Te, mana imo angiŋe gepraŋ, na manmo torica mana moa nanambiraŋ, na mana kaŋgaukca eacraŋ. ²⁹ Na aina Raraŋ Aetaniac, anna ma tac aniacna kirar toc, na ma reikmo muruŋa kocnaia rotaca wiri topnandet.

13

*Aia kabe, kabea kabena meikramta*irmo matŋiraŋ

¹ Na ne Iesusa riŋpacrena laiplacara, ne kabena meikramtairmo matŋia minmo toŋgoraŋ. ² Ainda moca kabena auŋna meikramtaira nen ndambuŋ nakip te, ne minmo ndiarirta tipemb kirarirmo moraŋ, na ne iroara kai ndarekrekke teac. Na ne lamjirenan, atuna ramtair ndeida ainda moatke, na mina lamŋi ngocor, na mina Raraŋ Aetaniacna mbaiŋna aiŋa morena ŋerŋgaur ndeidmo ndiarir mamoot.

³ Na meikramtaira an kac ngoreaca eacrenanmo, ne lamjiraŋ, ainta tipna kirara ne minapmo kac ngoreaca eacre toc, na ne anna lamjiraŋ. Na an meikramtairmo puŋnaŋgepca minmo tipemb kirarir ngorikca morinanno, ne minmo lamjiraŋ. Na an tipemb kirarir toco,

12:29 TW 4.24, na 9.3, na ŋap 50.3, na Ais 33.14, na 2 Te 1.8, na Ib 10.27
 13:1 In 13.34, na 1 Te 4.9, na 1 Pi 1.22, na 2 Pi 1.7, na 1 Io 3.11, na 4.7, na 4.20
 13:2 RL 18.1-8, na 19.1-3, na Mt 25.35, na Ro 12.13, na 1 Ti 3.2, na 1 Pi 4.9
 13:3 Mt 25.36, na Ro 12.15, na 1 Ko 12.26, na Kol 4.18, na Ib 10.34, na 1 Pi 3.8

mina minmo moatnanna, ne toco lamñi, ainta tìpembta kirara nenmo laruna min.

⁴ Na larñangoa anna reac larñ goin, aintik ne muruñ-camiña larñangomo torica matau goinna raupñi. Te, ma Rarañ Aetaniacna lamñiac ngoutmo ma rat goin ndeac-nandet. Na ne lamñirenan, Rarañ Aetaniaca ma ainta tìpemb ngadudukar ngorikcapa, meacramootna kanter-taapna tìp kirarmo ma ritri waparacmo, ma monandet.

⁵ Na kituknduk aniaca toñgoca morena tìpna kirarmo ne kai ranğai teac, ne gaimd ndamñi, an reikca ne utiñga eacrenanna, anna nena min. Na Rarañ Aetaniaca ma gaimdoprina, “Aku unmo mba tìkcariitndai, na aku unmo mba watcaritndai, na u wanaiña ndeacna, wanaiñ goin.”

⁶ Aintik aia ndorita nikinik iroarmo mo gagraca, aia gaimd ndopna,

“Kacootta aukmo otacrenan, na aku mba nanambitndai.
Na meikramtaira aukmo reac ianna mba moitndai.”

Na aia Iesusmo ranğaina numbira kai mo teac

⁷ Na nena ritìpacna tumbunna ramtair pañaindmo lamñirañ, ngaua mina Rarañ Aetaniacna kammo mina nenmo mboprinan. Na an tìpna kirarira mina tañre-nanmo, mana gagamna moca, ne anna lamñirañ, na ne mina ritìpacna tìpembta kirarirmo ainda ranğairañ.

⁸ Na Iesus Karaisna tìpemb kirarira ma ñour, co, mandeac, co, iarwar ndeacrañnandet. ⁹ Ainda moca ne kabena riptimo nena nikinik iroarmo kai watcarica ma nemo wiña nenmo moca ne Rarañ Aetaniacna taupmo

13:4 1 Ko 6.9, na Gal 5.19-21, na Epe 5.5, na Kol 3.5-6, na KIEK 22.15 13:5
TW 31.6-8, na Ios 1.5, na Mt 6.25, na 6.34, na Pil 4.11-12, na 1 Ti 6.8 13:6
Ijap 118.6 13:7 1 Ko 4.16, na Ib 6.12 13:8 In 8.58, na Epe 4.14, na Ib
1.12, na KIEK 1.4 13:9 Ro 14.17, na Epe 4.14, na Kol 2.4, na 2.8, na 2.16, na
1 Ti 4.3

tikcari nari. Na aia mana kakadmaimo watcarica ma aina nikinik iroarmo, mo gagrana. Na aina iroara inkara mina ainta Mosesna amta reikta tipemb punğa gargara mba anğıitndai. Na ainta tipembta kirarira, ma meikramtaira aında taņrenanmo, mba otacrenanna.

¹⁰ Na aia ġimbamba morena taup damap. Na taup ndamtaira mina an Ndamna aiņa morenanna, mina aina an ġimbamna morena taupna amta reikmo mba anğıca amitndait. ¹¹ Na taup ndamoot paņan aniaca sipsi-papa, bulmakaorta racaindpaik anğıca tipemb ŋgorikta makukarta ġimbamba mo kecarina moa, ma an Diab Rat Ŋgoinna mbukrenan. Na an amta ŋgoebta warirmo mina anğıca larua an Israelnangepta eteacna auņmo raekmbaia tikca tac mbuņa rotacrena. ¹² Aında moca Iesus toco ma an auņ aniacna wuocna tiņna raekmbaimo anna tikca ma ġirġir maanğıat. Te, mana racaindpaikca meikramtairmo, moca mina Raraņ Aetaniacna lamniac ŋgoutmo, rat ŋgoin ndaruna, na minmo moca mina mana meikramtair koind teacnandet. ¹³ Aında moca ai toco, an auņna raekca man ndambuņa taņca, man anğıatna numbira, ai toco an anğına. ¹⁴ Na aia lamņirena, gan tiacarpaikna auņ aniac ianna memetmbaca mba eacrenanna. Aintik aia an iņmbai ndataruna auņ aniacna lambi watna. ¹⁵ Aında moca memetmbaca aia Iesusna i mbuņa Raraņ Aetaniacna i aniac neaņraņ, na an tipna kirar mbuņa aia Raraņ Aetaniacmo ġimbamba neaņrena kirar toco eacraņ. Na anna gidik, aintik memetmbaca aina upa Raraņ Aetaniacna imo memetmbaca anğı ngepca

13:10 1 Ko 9.13, na 10.18 13:11 NA 29.14, na TN 6.30, na 16.27, na Ndu 19.3 13:12 Mt 21.39, na In 19.17-18, na Up 7.58 13:13 Ib 11.26, na 12.2, na 1 Pi 4.14 13:14 Mai 2.10, na Pil 3.20, na Ib 11.10, na 11.16, na 12.22
13:15 2 Nin 29.31, na Ŋap 50.14, na 50.23, na 69.30-31, na Osi 14.2, na 1 Pi 2.5

aindopraņ, “Ma aina Kacoot.” ¹⁶ Na meikramtairmo ne tipemb kirarir lainęa memetmbaca morañ, na minmo reicka biņai neañraņ. Na an tipna kirara ne iroara kai ndarekrekke teac, ainta tipembta kirarirta ġimbamba Raraņ Aetaniaca ma toņtoņ ģgoin.

Raraņ Aetaniaca aimo moca aia lainj teacnandet

¹⁷ Na nena ramtair paņaina nenmo otacna toņtoņap, aintik mina nena ritipacna watmo memetmbaca mataua watrenan. Na iņmbaia mina Raraņ Aetaniacmo mbopnandet, kaina aiņira mina moatnan. Ainda moca ne mina kambmo waraca mina kaņgauk ndeacraņ. Na ne ainda mo te, mina toņgoca mina ndorita aiņira monandet, na mina iroar inkara makukar kocorap eacnandet. Na mina nenmo otacna mo te, na mina iroar inkara makukarap eac te, anna nenmo mba otacitndait.

¹⁸ Aintik ne Raraņ Aetaniacmo mbendei digia ma aimo otacna. Ainda moco aia ripacrenan, aina iroar inkara mana lamniac ģgoutmo wandoņ ģgoinna eacrenan. Na aia memetmbaca wandoņa taņna toņgorena. ¹⁹ Na aku toņgorinan ģgoinna, ne aukmo Raraņ Aetaniacmo mben-deia ma aukmo otac, te, aku nenmo tawina mac nda kipna.

²⁰⁻²¹ Na aina Kacoot Iesus, ma sipsiparta ģģinaņa morena ramoot gargar. Na ma ndona racaindpaikmo neaņa, an leacatna kammo, moa gagra ma memetmbaca eacraņnandet. Aintik Raraņ Aetaniaca manmo mukca tikca mac nda aņģiatnan. Na mandeaca Raraņ Aetaniaca ma nikinik iro wetwetna tip kirarna mininj. Na aku nikinik iro wetwetna Raraņ Aetaniacmo mbendei

13:16 Ro 12.13, na Pil 4.18, na Ib 6.10 13:17 Esi 3.17, na 1 Te 5.12, na 1 Ti 5.17 13:18 Up 23.1, na 24.16, na Ro 15.30, na 2 Ko 1.12, na Kol 4.3
13:20-21 Ais 55.3, na Ier 32.40, na Esi 37.26, na Sek 9.11, na Ro 15.33, na 1 Ko 6.14, na Gal 1.5, na Pil 2.13, na 2 Te 2.17, na Ib 10.29, na 1 Pi 2.25, na 5.10

digica, ma nenmo otaca, reik laiŋ neaŋ te, ne mana toŋtoŋa raŋgairaŋ. Na ma Iesus Karaisna aiŋ mbuŋa an tiŋpemb kirarir muruŋa ma toŋgorinanmo, aia muruŋ naaŋŋinandet. Te, memetmbaca aia iarwara mana i aniacmo aŋŋi ŋgepraŋ. Na anna gidik.

Timbiŋ raparna mamamaina kam

²² Na aukna Iesusa riŋpacrena laiplacar, aku toŋgorinanna, ne ndorita kourmo matau tikca, an aku turrina kamma nena nikinik iroarmo mo gagrana, na an timbiŋ rapara ma rocotta wanaiŋ. ²³ Aintik aku nenmo gaind ndamŋina, aina lap Timotimo mina kac ŋgoreacnan watacarica ma raek malaruat. Na ma kac ŋgoreaca mba eacreke. Na ma auk ndambuŋmo tawi kiŋ te, aŋga muruŋniŋa nenmo kiŋi watnandet.

²⁴ Aintik aŋna ra laŋmo nena ramtair paŋaindapa, Raraŋ Aetaniacna meikramtairmo neaŋ. Na an meikramtaira Italimo tikcarica kiŋrinanna, mitoco nenmo ra laŋ neaŋrina.

²⁵ Na aku Raraŋ Aetaniacmo mbendei digica, mana kakadmaia nenmo muruŋcamiŋa nenap eacnandet.

Rararj Aetaniacna Kam Wembarj Larj
New Testament in Mborena Kam language
Nupela Testamen long tokples Mborena Kam long Niugini

Copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-02-06

PDF generated using Haiola and XeLaTeX on 19 Jul 2019 from source files dated 14 Dec 2018

8e1073ed-d2dc-5f3a-bb48-5406185123a7